

Weej zette alles op de kop!



2018 de wortelgejjer

Officiële oëtgave hoësorgaan van 't Vastelaovesgezelschap De Wortelepin Bliérick. Priës € 3,00



Proklamasie

Weej, Prins Rob de ierste

- JÓNKHIER VAN THIËLAEPELKE WIES GAASFORNUUS
- BLIËRICKSE BLAAG VAN DE WITTE WIES OKTOBERFEST
- PRAESES IN DE OPTOCH VAN DE WAAZELVOTTE WIES INSPIRATOR VAN RAOD VAN ELF OËTSTEPKES
- MEISTER VAN DE KAARTCLUB WIES VRINDECLUB DE KÖP
- OPPERBEVELHEBBER VAN DE VETERANE VAN SVB WIES 'T ZAALVOETBAL IN EGERBOS
 - BARON VAN DE HOEKSTRAOT EN OENDERLINGE HULP
 - MARKIES VAN WIEKENDJES WEG WIES MAEDJES (T)HOËS
 - GOUVERNEUR VAN "HEEJ IS 'T TE DOON!"

Ziene Adjudant John

- BALLONNEMEISTER VAN DE PLEKBOKSE
- JONKHIËR VAN 'T VEERDE VAN SVB EN DE C1 VAN HBSV
- BESCHERMHIËR VAN VRINDEGROEP ZONDER NAAM EN DE KÖP.
- MARKIES VAN HET SAORBROOK WIES VENLOSTORMT
 - BARON VAN MIENE KIELF NET IETS TE GROËËT
 - BRANDMEISTER EN BEVEILIGER BEEJ ENERGA

Ziene Adjudant Dimitri

- HOFNAR VAN SM De WITTE WIES DE WAAZELVOTTE
- PEDAALMEISTER VAN D'N KALDENKERKERWAEG WIES ALPE D'HUEZ
- SCHATKISBËWAARDER VAN SVB VETERANE
 - POKERFACE VAN KAARTCLUB "SWAREE"
 - MARKIES VAN BLARIACUM WIES GENDARMERIE
- BARON VAN VASTELAOVENDKAMP WIES 'T NIEJBORG

GAEVE, BEEJ GRASIE VAN VORS CAROTIUS VIII, ZIENE SIRREMONIEMEISTER EN ZIENE WIËZE RAOD VAN ELF, AS 69STE PRINS EUVER 'T WORTELEPINNLERİËK, SAME TE VERSTAON EN VERORDENERE, DET:

1. Geej meug verneme, det weej met vuuel dank en iér 't Wortelepinneriek van ós veurgangers Ald Prins Sjoerd 1 en zien adjudante Rob en Erik, euvername.
2. Weej vanaaf now de Wortelpinkes en Wortelepinne veur zulle gaon in 't Bliërickse vastelaovesbestaan.
3. Vastelaovend viere det zit in ós blood en viere weej idder jaor duchtig en good.
4. Det de Plekbokse en Waazelvotte zonder ós met d'n optoch motte gaon, umdet weej dit jaor baove op de prinsewaage staon.
5. Weej met óg en ós kinder vastelaovend gaon viere, wie weej det van ós elders hebbe meuge lière.
6. De raod van elf 't met eine man minder móet doon, maar ik de vervanger(s) vuül joeks en jen wins in rokkostuum en lakschoon.
7. Voetballe beej Saorbrook is ós laeve, iddere zaoterdaag op 't veld staon is ein gegaeve.
8. Zonder de inzet van vreejwilligers hebben weej genne joeks en pleezer, daorum drinke weej met eur dees daag gezellig un gleeske beer.
9. De minse die weej binne de Wortelepin hebbe verlaore zich euver de Vastelaovend bliëve bekaore.
10. Kaarte doon weej door 't ganse jaor haer, maar deze daag is ut Ohne Gewähr
11. Met de Bliërickse Blaage bringe weej 't Oktoberfiës truuks in Bliërick, want fiëste det doon weej gaer det is euverduüdelik.

WEEJ DIT GAON DOON ÓNDER ÓS MOTTO:

VOETBALLE EN VASTELAOVEND VIERE,
DET HOOF NEEMUS ÓS MIËR TE LIERE!
LOUPE DEES DAAG NEET OP VOETBAL MAAR OP LAKSCHOON,
EN ROOPE DAOBEEJ OËT VOLLE BORS;
"HEEJ IS 'T TE DOON!"

de
**BLIËRICKS
VASTELAOVESGEZELSCHAP**
Wortelepin



de Paerdskoel®

't Kefee van Heej

Geopend vanaf 11.00 uur

Keuken

open van 11.30 tot 19.00 uur

Vrijdag van 11.30 tot 20.00 uur

Dinsdag gesloten

Tel. 382 79 62

www.depaerdskoel.nl

PREUF
BRASSERIE

- * Bij vertoning van uw SOB-pas, krijgt u uw 2e kopje koffie gratis bij een stukje gebak.
- * Wij hebben een overheerlijk 2 gangen senioren keuzemenu voor u voor €13,50
- * Op donderdag kunt u met de pot meeprüven. eten wat de kok klaarmaakt voor € 7,50

Brasserie Preuf | Carleyspassage 27 | 5921 JW Blerick | 077-3746537 | preuf@live.nl | www.brasseriepreuf.nl



Cafe Zaal Apollo

Kiek op de website veur 't programma www.cafezaalapollo.nl
Telefoon 077 7519424 - Maasbreesestraat 49



Veurwoord



Beste Wortelepinne en Wortelepinkes,

De Vastelaovend staat weer voor de deur, en het belooft weer een grandioos feest te worden in het Blerickse. 'Weej zette alles op de kop!'. Jullie motto spreekt wat dat betreft voor zich. En ik geloof dat alle Wortelepinne en Wortelepinkes het wel met elkaar eens zijn; het worden weer drie mooie dagen, voor jong en oud.

Jullie vereniging heeft een rijke historie, net zoals het Carnaval zelf. Het woord 'Carnaval' schijnt te zijn afgeleid van het Latijnse 'carne vale'. Dit betekent dan zoveel als 'vaarwel vlees'. Vroeger werd met de Carnaval de periode van de vasten ingeluid. Ook ons eigen 'Vastelaovend' verwijst daar naar. Vastenavond, oftewel de avond voor het vasten.

Vasten doen de meesten van ons niet meer. Veel mensen hebben het vervangen door allerlei diëten. Het voordeel van de vasten is dat het maar één keer per jaar gebeurt. Daarom is het grandioze feest dat eraan voorafgaat des te levendiger. Drie dagen plezier, saamhorigheid en gezelligheid. Positieve energie waar we een jaar op kunnen teren.

Leef Wortelepinne en Wortelepinkes, maak van dit Carnavalseizoen een onvergetelijk feest.

Ik wens u allemaal een gezellige en gezonde Vastelaovend toe.

**Antoin Scholten
burgemeester**

Beste Wortelpinkes en Wortelepinne,

Ik schrieff dit veurwoord net nao de jaorwisseling en besef mich det we binne minder as dreej waeke in Blierrick alweer met de vastelaovestied gaon beginne. 20 Jannewarie is 't al weer Swaree en prissenter ik óch 'n nie Trio. 'n Trio wat veur 'n "déjà vu" geit zörge, dao bin ik zeker van!

Vanaaf det Swaree duike weej dreej en 'n halve waek weer in de waereld van klatergold en parelwien en zette weej de dagelikse zörg aan de kant en viere weej same de Blierrickse Vastelaovend. Det doon weej beej 'n hiel aantal vereiniginge, instellinge, bedriëve en beej de minse thoës die weej in dezen tiëd as gezelschap gaon bezeuke. Maar netuurlik ook op ós eige evenementen die weej organisere in 't Blierrickse. Vuuël van dees evenementen staon al jaorelang op de agenda en waere, gelökkig, nog altiëd hiël good bezóch. 'n Aantal evenementen probere weej, door aanpassinge en verniejinge aantrekkelik te halde veur ós bezeukers. Zoë zien weej veurig jaor gestart met 't nieje evenement "Zónnendaag". 'n Luchtige zitting, daags nao 't Swaree, wao idderein, van groët tot klein en van ald wies jöngk, naor toe kint gaon um van 'n prachtig Vastelaovesprogramma te kinne genete. Maar ook um veur 't iërs ech kennis te make met ós nieje Trio.

Dit jaor geit d'r ook iets verandere veur de jeug. ÓsJeugduo, det oëtgerope geit waere op zaoterdaag 27 jannewarie zal neet op daen daag zelf eur receptie halde, maar op zondaag 4 fibberwarie a.s. Dus same met 't "groëte" Trio! Dit guuëf dus nog miër minse de gelaegenheid ós nieje Jeugduo en jeug Raod van Elf te felicitere. Lets wat zeej en de Blierrickse jeug zeker verdene. Want zaet 't spraekwoord neet: "jöngk geliërd is ald gedaon"?! Met ander wäörd de blage van noow zien de Blierrickse vastelaovend van de toekôms. Zeej verdene dus 'n fantastische receptie. En die gaon ze kriëge, dao zörge weej allemaal veur.

Ik wins óch allemaal de kómmende dreej waeke vuuël joeks en plezeer toe. En haop óch op ein of ander evenement taege te kómme en d'r same eine te prooste op de Blierrickse Vastelaovend.

En det alles doon weej ónder 't motto: **"Weej zette alles op de kop!"**

Vastelaovend same,

**Vors Carotius VIII
Maurice Holthuijsen**



Prins Rob I



toen had ik al krökes!



Vaat 11?!




Jóngk gelierz is ald!



'nne echte kruujer!



strak in ut pak



ein gezich!!



Wat ein plaejtje



Eine Kaetelaer?

Adjudant John




Niks veranderd!



Kump det schot!



D'n alte jeug hoëghed



Wat mot dae van mich?



Gekloond!



Wat ein plekbôks!



Saame doën beejein!



Johny pak d'n Ponny


Adjudant Dimitri



Effe poepe!




miene bal!



Kiek pap... ik kin ouk al blaoze!



Oèt 't groëte book!




Toen al achter de vruikes aan?



Moeije bril hé!



Femillie gelök



ik bin gevalle

Daor is 't appje dan!

Ut waas op eine vriedaag middaag 15.10 oor kreeg ik een appje van Maurice Holthuijsen met de vraog; Rob, as se dalik ff tiëd hebs bel mich dan ff mobiel. Gr, Maurice.

Boem wat is dit? ik dach det 't trio ia al lang gevraog? Zoel hae mich iets wille vraog met betrekking tot de raod van elf? Maar dan zoel Maurice mich toch gewoen belle. Jeroen is nog beej

mich op de zaak, dus iërs maar iets "belangreiks" veur um bedinke zoedet ik truuks kin belle. Now kin ik belle, 't hert klop mich in de kael. Maurice klonk waal röstig aan de andere kant van de lien en toen kwaam 't hoege waord der oët: wil se de nieje hoëghheid van de Wortelepin waere? Jao zeker wil ik det! Met de vors sprook ik aaf det ik um volgende waek truuks zoel belle of hae ein niej trio had gevonde.

Now snel naor hoës en dit niejs met Stella bespraeke. Stella, Kristi en Isa ware thoës dus ik zeg taege Stella kom ens meij en kiek ens op miene telefoon wat ik veur ein appje heb gehad. Het keek mich ongeluivig aan en zeij bel um dan gauw op, ik heb um al gebeld zei ik. Dit geit ós jaor waere! Eine dikke knoevel en daar kwame Kristi en Isa aan en waas os gesprek aafgeloope. Snel douche en mien moeder ophaoole, want weeij zoele same iets gaon aete beej Sur Place en dan naor de Venloosche revue gaon. De revue waas geweldig maar mien gedachte zoote gans orges anders. Wae mien adjudante zoele waere was veur mich neet lastig. Twieje vrinde die ik al kin vanaaf kleins of aan en dan kriege weeij der ouk nog twie toffe maedjes beej Esther en Joyce die ik al bijna net zoë lang kin. Wie ik mien adjudante heb gevraog kint geej beej eur laeze. Dinsdaagmorge had ik de vors weer aan de telefoon met de meidedeiling det 't trio van 2017 is gebaore!

Now zien weeij alweer veer maond onderwaeg en hebbe weeij met Leike, Ben, Maurice en ós dames al hiel wat beejeinkomste gehad. Met de raod van elf hebbe weeij de elfde van de elfde, de pronkzitting en laeve de dreej gevierd. Waor ik de iérste optoch heb geloupe as nog neet oetgeroope hoëghheid van de WP. Die wiekende woort mich daor verschillende Raod van elf vrinde 't veur aan de scheene gelag en bin ik blij det 't haos 5 febberwarie is en det ik eindelik kin zegge:

"Heej is 't te doon!" met 't trio van 2017 Rob d'n iérste met zien adjudante John en Dimitri.

Vastelaovend same!

Dreej daag later.....

'T waas eine vredaagmiddaag waor ik waal viëf kier gebeld bin gewaore.

D'r had d'r eine hoege noeët.....
Ik waas drök met mien werk dus heb ik um nao unnen tiëd maar ens geapped. "Ik bin met mien moeder naor de Venloose revue, ik bel dich zaoterdaag waal truuks" kreeg ik te huüre. Maar door de drökte van 't voetballe en hockeye van ós kinder kwaam 't d'r daen daag ook neet van.

Daobeej zoch hae een geschik moment van saame zien zonder det d'r eemus beej waas. Op zondaag had ik de iér det heej naor mien voetballe kwam kieke, waar toevallig ouk mien vrouw beej waas. Maar hae kreeg 't daen daag ook neet veur mekaar um 't juuste moment te vinden en "de vraog" te stelle.

Oetintelik hebbe weeij aafgespraakke um mekaar te spraeke op de maondaag beej mich thoës as de kinder in bed ligge.

De hoëghheid kwaam hiel gespanne binne. Zoë had ik um nog noëjts meigemak. Maar oët- intelik kwaam de vraog..... Wils dich met mich het trio van de wortelepin waere in 2017? 'T waas ein gelökkig moment naor veertig jaor vrindschap veur os same. We vergaote zelfs um d'r eine op te drinke.

Twië daag daonao belde de hoëghheid mich op met de meidedeiling det hae al twië nachte neet had kinne sloope. Ouks det waas veur mich iets niejs. De hoëghheid dae d'r neet van kos sloape!

Al met al bin ik daornao langsaam zelf gaon beseiffe wat d'r allemaol op ós aaf geit komme. Veural toen weeij met de begeleidingskemmissie aan de slaag ginge kwaam ik oët de roes en besefte det het now ech meinis wuurt.

Het waas al eine geweldige tiëd tot now, maar vergaet neet det het heej in bliërick te doon is dees daag.....

Fijne vastelaovend same
John Deenen

Ontnuchtere

'T waas un moeie naozomerse daag det weej met de veteranen hadde gevoetbald op 't Saorbroek taege 't altied lastige America. De wedstriëd waal gewonne, maar zoë as waal dökker de letste jaore weer ens unne kier geblesseerd oëtgévalle. Ik heb dan ook neet veur niks 't rugnummer van Arjen Robben gekraege. Nao de 3de helft bin ik dan ook snel op mien fietske gespronge um naor eine verjeurdaag te gaon van unne gooijje kameraad van mich. Tiedes d'n truukswaeg kwaam ik met unne andere gooijje kameraad op 't idee um nog efkes naor Rinie en Nico te gaon wao ozze veurzitter van de veteranen (d'n hoëghheid) nog aanwezig waas. Zoë as gewoenlik woort dit dan ook miér as un aafzakkertje en nao un aantal telefoontjes en apps van de vrouw des huizes te hebben gemist gingee weeij hoëswarts.

Normaal naemp d'n hoëghheid de snelste waeg naor hoës, maar hae bleef maar achter mich aan fietse. Onderwaeg vraog ik um al veur de joeks of hae ziene TomTom waas vergaete. Op 't moment det ik de sleutel in 't slot had, woort ik met enige brute krach naor binne gedouwd door d'n hoëghheid en stonde weeij saame in mien keuke. Aangezeen det neet hielemaol geruisloos waas verloupe stond binnen un mum van tiëd de vrouw des huizes ouk in de keuke. Un alibi waas dan ook neet mier nuëdig, want d'n hoëghheid noem 't woord. Hae waas gebeld gewaore daor emus dae um wat gevraog had. Oké, dacht ik nog! Nao 2 kier gezag te hebben det 't de vors van de Wortelepin waas ging beej mich nog steeds gen alarmbel rinkele. Ik woel op det moment allein maar naor bed! Toen kwaam 't hoëge woord d'r oët; wils dich miene adjudant waere? Ik heb toen eigenlik direk "jao" gezag, want det is "a once in a lifetime experience" zonder mich op det moment te realisere wat de impact waas. Ein veurdeil waas det, dao mot op gedronke waere, neet mier van toepassing waas, want det hadde weeij per slot van raekening al de ganse avond gedaon. Enig tactisch inzich kin d'n hoëghheid dan ook neet waere ontzag wannier gekeeke wuurt naor 't moment supreme.


De volgende morge woel ik 's morges vruüg gaon wielrenne. Toen ik opstond vroog mien vrouw Joyce mich of ik ook bewus waas van hetgeen zich aafgeloupe nach in ós keuke had aafgespeuld. "Jao" heb ik toen eigenlik hiel nuchter gezag en bin op miene stale ros gesprongen. Nao 't fietse is de film eigenlik veur mich beginne te dreije en 't truuksbringe oët de waan of roes (ontnuchteren) haet al met al un aantal daag gedeurd.

Vanaaf det moment is alles gaon rolle en haet de begeleidingskemmissie ós aan de hand genaome en is dit alles tot stand gekomme. 'T waas wat mich betref ein onvergaetelikke reis naor haopelik ein geweldige apotheose op vastelaoveszondaag. En laote weeij neet vergaete det beej ós in Bliërick te doon is dees daag!

Vastelaovend same
Dimitri Peeters



Swaree 2017



*In 'n Las Vegas achtige setting
Kwaam 't Trio wie in 'n werm bad
Ze vergoten oop slaag alle stress
Dae ze d'n aafgeloupen tiëd hebbe gehad*





Huiskensstraat 57 www.hovenscollin.nl tel. 3589760

INTERZUID

LOGISTICS & PROJECTS

UW PARTNER VOOR AL UW TRANSPORT
EN LOGISTIEKE PROJECTEN IN EUROPA



Columbusweg 29
5928 LA Venlo

Postbus 3078
5930 AB Tegelen

info@interzuid.nl
www.interzuid.nl

T +31-(0)77-3243100
F +31-(0)77-3243109



www.vanewijkelektro.nl

van Ewijk Elektro
elektro technisch installatiebedrijf



Vastelaoves kalender

Zaoterdaag 27 jannewarie 2018.

Kinder-/ Familiezitting

Deze gezellige middaag veur de kinder met eur elders, Opa's en Oma's, Ooms en Tantes vind dit jaor ouk weer plaats.

't Höëtepunt van de middaag is 't oëtropje van 't prinselik duo begeleid door eure wiëze raod van elf. In 't Raodhoes zal 'n zitting waere gehalde met optraejes van diverse schoële en regionale artieste. Aanvang programma 15.00 oor
Veurverkoop kaarte zaoterdaaggmorge van 11.00 tot 12.00 oor

Zónndaag 4 fibberwarie 2018.

De Prinsemis/ inhaole Trio/ receptie, en receptie Jeugduo

Idder jaor beginne we deze Zónndaag met de Prinsemis die um 10.00 oor zal plaatsvinde in de Antoniuskerk. Aansloëtend wuurt ziene Höëheid met zien Adjudante officieel ingehaold en trek in optoch naor 't Raodhoes, wao de altièd gezellige Prinsereceptie begint.

En nie dit jaor is det gelyktiedig de Jeugreceptie plaatsvind in de Hermeniezaal.

Dus Prinsereceptie en Jeugreceptie same op dezelfden daag.

Dinsdaag 6 fibberwarie 2018

Groët Gala Worteletruuj

Op d'n dinsdaag veur vastelaovend is d'r 'n prachtig Gala Diner.

Dit jaor zulle de Bliërickse Herten de Laureate zien en de Worteletruuj meuge óntvange. Zeej bestaan 60 jaor. De Worteletruuj wuurt toegekint aan persoëne of organisaties die zich sociaal verdeenstelik hebbe gemak op lokaal, regionaal gebied.

Dónderdaag 8 fibberwarie 2018.

Truujendaag/ Truujeschranse

Dónderdaag veur de vastelaovend is in Bliërick de traditionele Truujendaag.

Net wie veurgaonde jaore begint d'n daag weer met 't truujeschranse beej Grand café Apollo. Kaarte veur de schranserie zien allein te koup beej Grand café Apollo, dus wilt geej d'r beej zien, koup zoë vlot meugelik 'n kaertje want vol is vol.

De schranserie begint um 17.00 oor. d'r Zulle diverse artieste veur de Truuje optraeje, ouk't Groët gezelschap van de Wortelepin zal 'n bezoek aan de Truuje bringe.

As idderein d'n boëk vol haet, geit, Truujendaag vaerder in alle kefees in Bliërick, in iddere kefee zit waal 'n joekskepel die d'r veur zörg det we neet stil hove te staon.

Dus zörg d'r veur des se dien moëjste truujekleid aan hes, doot dien 's zónndaags hudje op en geneet. Weej zeen óch toch ouk op Truujendaag?!

Zónndaag 11 fibberwarie 2018.

D'n groëten optoch.

En dan 't höëtepunt veur d'n höëheid en zien adjudante, de groëten optoch, kiëke en genete van bonte groepe en moëje wages. Haopelik schient dit jaor weer 't zunke, en duit idderein naeve de kant weer net zoë enthousiast mei wie veurig jaor. Zoëdet al die minse die meiwerke aan en d'r veur zörgje det d'n Bliërickse optoch altièd zoë moëj en bont is, dinke: **Weej zette alles op de kop!!!**

Opstelle veur d'n optoch op en rönd um 't Schepeneplein um 12.11 oor, vertrek um 13.11 oor. Route: vanoët de Van Bornestraot, Ruyssstraot, Maasbreesestraot, Averbodestraot, Withiërestraot, Kloësterstraot, Pontanusst

Maondaag 12 fibberwarie 2018

Rouse in 't Raodhoes

Op vastelaovesmaondaag is d'r weer Rouse in 't Raodhoes.

Deze gezellige midaag speciaal veur de kinder en netuurlik ouk de elders begint um 14.11 oor.

Dinsdaag 13 fibberwarie 2018.

Vastelaovesdinsdaag

Lempkesoptoch/ Truuverbörre.

Finale in 't Raodhoes.

As 't duuster is rönd 19.00 oor gaon weej van start met de lempkesoptoch dae begint op 't Schepeneplein en dan via de Van Bornestraot, Ruyssstraot, Tiendstraot, Averbodestraot Withiërestraot stop beej 't Raodhoes.

Daorna trekke weej naor 't plein veur de Antoniuskerk waor Worteletruuj verbört wuurt, dit zal plaatsvinde umstreeks 20.30 oor.

Heejnao gaon we truuuk naor 't Raodhoes veur de Vastelaoves finale, vanaaf 21.00 oor is d'r 'n programma waorin de veer winnende liedjes veur de letste kiër gezóngje waere ,en zulle we same de letste eurkes van deze Vastelaovend belaeve.

Um 22.30 oor zal 't Trio de muts en mantel aafdoon en zit de Vastelaovend 2018 d'r op.



Liedje

Weej alles op

1 Ik heb op dich gewach

Zang : Marissa Verhaegh en Ron Deenen
Tekst : Peter Jansen
Meziëk : Hay Geritz

Ik waas al lang op paad,
't woort al stiekem laat,
Langzaamaan woel ik ens gaon,
Ik zoog dich avel pas,
wie ik zóch nao miene jas,
Dae heb ik toen
maar nimmer aangedaon:

Ik heb op dich gewach,
Det is nijs tevuuél gezag,
Noow ik dae vastelaovend
zoë met dich vier.
Want emes zoë wie dich,
Jao, det pas allich beej mich,
Dreej daag lang, en wae wet
nog wieuuél miér.

Wie raar 't toch kin gaon,
de zuus vuuél minse staon,
Maar de juuste is neet heej,
De geis neet weg, de wets,
't kin ouk nog op 't lets,
Op snip en äörtje
kump hae dan veurbeej,

Nog net op tiëd, zoë wie ge zeet
Ouk al wuurt heej flink gekaerd
Maar lever efkes dan gaar neet
Want dich waas 't wachte waerd.

2 Vastelaoveszónndaag

Zang : Kristel Roulaux
Tekst : Marc Peters
Meziëk : Hay Geritz

As 't zunke alles luuët straole
en ik schoenkel met dich
zachjes op de maot.
Leet d'r veur ós ein jaor verschaoole,
in d'n optoch dae veurbeej trek
op de straat.

In de vaerte kump eine wage,
vol met träöte, vol met trómme,
vol meziëk.
Vastelaovend wuurt oëtgedrage
en dan veul ik mich
de keuningin te riék.

't Is zónndaag, vastelaoveszónndaag,
dan is Bliërick einen bónten ónderein.
En ik weit van te veure,
dae prach en die kleure,
det vinds se heej in Bliërick maar allein.

D'r is nemes dae ik huur klage,
want weej hebbe al zoëlang
heej op gewach.
En d'n ozel is te verdrage,
met ein glaeske, met mien leef
en eine lach.



es 2018

zette o de kop!



3

3 Halverwaeghe

Zang : Bart Ebus, Loek Heunen,
Etienne Snel en Marco Gielens
Tekst : Peter Jansen
Meziek : Hay Geritz

Weej woele gaer met d'n optoch mei,
Maar wie dae weer stónd te staon,
Toen krege weej pas ech dae juusten dri,
Wie dae wiejer weer kós gaon:

Weej gaon veuroët, weej zien al halverwaeghe,
Velt neet taege, dao gaon we haer.
Det is dees dag noow einmaol zoë gelaege,
altiéd weer,
Truugaon baat neet, want det is aeve vaer.

Toen nao 't Raodhoës dao waas 't drök,
Maar weej wiste 't al rap,
Ein good glas beer, det waas ós groët gelök,
Dus op waeg nao einen tap.

Dao beej daen tap stónd ein vreejend stel,
En die nome zich d'n tiëd.
Toen trok ik dao toch efkes aan de bel:
Zeg, got geej heej neet te wiëd?

Op zo'nnen daag, dan leet 't in de liën,
Idder kump wao hae móet zien (meschien).

4

4 Scheet op!

Zang : Marieke Verkoeijen, Sanne Peeters
en Lisanne Holthuijsen
Tekst : Miel Lemmen
Meziek : Marcel Driessen

Scheet op, de Vastelaovend
dae wach neet op dich
scheet op, stank op en goej
wat kleur op dien gezich
Noow maak veuroët,
d'n daag is half ónderwaeg
gister waas dien glas
ouk dök as iérste laeg.
Scheet op, ze zette alles
alweer op de kop
scheet op, 't wuurt weer tóf
jao raeken dao maar op.
Schei oët met langzaam spoje,
höf dich op de bein,
want as se neet veuroët maks....
gaon ik vas allein.

D'n daag van gister waas weer je van het
dich lees te luime in dien bed,
en te dinke aan wie 't waas gewaes
en wievuuél bónne des se noow nog haes.
Kiék op de wekker
want dae llop maar doo-oor
en veurs't wets is 't al 11 oo-oor.

D'r zien al minse hiël vrug opgestaan,
zien gister waal op tiëd gegaon..
De rie veur bónne steit wies aan de deur,
veuraan te staon
dao goof ik noow wat veur!
Hads dich det luime toch maar fijn gelaote
weej zien nog genne maeter opgeschaote.

En intelik, met vrinde höffe weej
't iérste glas,
op ózze Vastelaovend, jao..dus
gaef duchtig gaas....gaef gaas!



José Duckers

Gelegenheidskleding



Feestelijke gelegenheid?

Bij ons vindt u gegarandeerd de gepaste kledij voor iedere feestelijke gelegenheid. Van een exclusieve gala- of cocktailjurk, een stijlvol smoking of jacquet tot en met smokinghemden, lakschoenen, strijkers, stropdassen, bretels, strepenbroeken, petten, hoge hoeden en manchetknopen.

Baarloosestraat 128, 5923 AP Venlo
Telefoon: 077 323 08 20
e-mail: info@joseduckers.nl

www.joseduckers.nl

An advertisement for De Kievit Verhuizingen. It features a logo of three blue mountains and the text 'DE KIEVIT VERHUIZINGEN'. Below it, a photo shows two movers carrying a large sofa. A red circular stamp on the right says 'VERHUIZEN AL VANAF €499,-'. The phone number '077 323 21 00' and website 'www.de-kievit.nl' are also provided.

A cartoon illustration for Geert Baste. It shows a woman in a coat and hat buying meat from a shopkeeper. The shopkeeper is holding a piece of meat. A speech bubble from the woman says: "STEL DICH VEUR: We meuste weer vaste!... Vierdag daag GEN vleis van Baste!" The shopkeeper replies: "slechterie Geert Baste". The address 'Kloësterstraat 46 - Tillefoon 3820388' is at the bottom.

Geruchte...

Oët 'n ónlangs ziér geheim neet verschene rapport is oëtgelek det oët ónbetrouwbare brón 't geruch rónggeit det 't ziér waarschiënlik is, det met ein haos aan zekerheid grenzende meugelikheid 't bes wal ens meschien zoel kinne zien det d'r al jaore lang in d'n Bliërickse optoch.....doping gebroök wuurt!!

Noow jao zeg. 't Mót neet gekker waere.

Ik bin dan ouk gelyk op ónderzeuk oëtgeaon en noow staan ik dan heej, vermómd as ónherkinbaar geheim ónderzeuker naeve de kant van de waeg op d'n optoch te wachte um ein ónaafhankelik geheim intern ónderzeuk te doon naor dit geruch.

Netuurlik anoniem, want as idderein wet det ik de zoon bin van Thei en Trees van d'n euverkant van slechterie Gielen oët de Pepijnstraot, dan kin ik wal inpakke.

Noow zult geej meschien dinke: doping in d'n optoch? Wat 'nne kwats!

Jao det dach ik iërs ouk, maar as ik stiekum um mich haer kiëk, dink ik verrek..... zulle de geruchte dan tóch waor zien?

De mós netuurlik ouk wal 'n enorm oëthaldingsvermeuge hebbe um d'n optoch te kinne euverlaeve. Maar doping? Daor had ik zelf ech noeïts aan gedach. Geej waal?

Aan de slaag dus!

Aha daor! 'nne Faatse as zwerver verkleid, maar 't kin aevegood 'nne zwerver zien as faatse verkleid. Det is waal ziér verdach!

"Meneer! Meug ik óg wat vraoge?"



"Jao netuurlik, as 't maar neet euver doping geit".

"O....."

Dan maar emes anders vraoge.

Meschien die daor! 'n Vrouw as drugsdieler verkleid, maar 't kin aevegood 'nne drugsdieler zien as vrouw verkleid. As det neet verdach is!

"Mevrouw, heb geej enig idee of d'r meschien minse in d'n opt...."

"Bedoelt geej soms of d'r doping in d'n optoch gebroök wuurt?"

"Jao! Wet geej daor meschien iets miér van?"

"Jaozeker, maar daor kin ik helaas nik s euver zegge"....

Beste Wortelegaejerlaezers:

Dit schuut neet ech op, liek mich. Ik dink det ik 't ónderzeuk oët mótt stelle tot 't volgend jaor....Ik kin óg nog waal inkele tips gaeve um dopinggebroëkers te herkinne:

Op de iérste plaats mós se good kiëke en ruuke.

Kiek verdachte nog helder oët de ouge? Ruuk hae nog fris? Kin hae euver 'nne scheifgetrokke streep rech veuroët loupe? Praot hae d'r naeve?

Noow, as ik nog ens good um mich haer kiëk, bin ik d'r toch ech waal van euvertuug det d'r 'nne houp minse in d'n optoch doping gebroëke!

Of ik zelf waal ens doping gebroök?

Daor kin ik jaomer genóg nik s euver zegge.....

Groët bezeuk van de Wortelein oët Bliërick



Sinds Jannewari 2016 zit ik um te revalidere in 'n appartement in de Nieje Munt in Tegele, nao 'n herseninfarct. 't Geit al 'n stök baeter, maar bin iërlík, de wils gewoën naor hoës, maar as det neet geit dan mós se wie lastig det ouk is d'r dich beej neerlegge.

Ik bin al 16 maond oët Bliërick weg, verschrikkelik, maar ja de mós waal. En as Bliëricks maedje, det 27 Fibberwari 1949 op Vastelaoveszónaag gebaore is, dus Vastelaovend in 't blood haet zitte en det neet miér optimaol kin viére dan is det moëlik. Maar in 2015 waas ózze schoënzoon Prins. Det waas geweldig um mei te make. Ouk 't ganse reile en zeile, wat kump d'r vuuël beej kiëke. Maar det neme ze mich neet miér aaf.

De Prins van 2017, Prins Rob d'n iérste, kwaam beej mich in Tegele op bezeuk met 't kleine gezelschap. De vlag van Bliërick wapperde op mien Tegels balkón. Geweldig deje ze 't, ik heb 'n paar daag nuuëdig gehad um weer beej te kómme.

Danke Wortelein

Anny Niessen Geerits

DRUKKERIJ KNOOPS



VASTELAOVEND IN GROEËT-VENLO



Winkelveldstraat 27 Venlo tel. 077 3516116



Vastelaoveszittinge



*Effe oët de sleur van alle daag
Um dich gewoën te ammesere
Det is wat op ós Vastelaoveszittinge
De minse wille probere*



Weej 3 winse óch 'nne plezerige vastelaovend.



Van der Meulen Venlo B.V.

077 - 382 3218

Waterschade
Tapijtreiniging
Kunststofreiniging
Industriële reiniging
Brand en roetschade

Gevelreiniging - Graffitiverwijdering

24 uur bereikbaar

Chantal's

Hairstyling

Kapsalon en haarwerk specialist

Venla

Traprenovatie

TRAP LEUNING VLOER

Bij ons staat u op kwaliteit.

**Make daornao alles
weer moei schoën.**

**Lappe óch dan weer
hiëlemaol op,**

**En gaeve óch dan
'nne gojen trap nao.**

Spesjale Vastelaovesvlaai

"Goeijemorge meneer, kin ik óch meschiens helpe?" vruüg Ireen met 'n vrintelik gezich.

"Ik dink 't waal," zaet de klant dae net de winkel is binnegestap.

"En wat meug 't dan zien?"

"Nou weej zien met de vastelaovend haos elfenviertig jaor getrouwden en noow zeuk ik eigelik ein hiel spesjale vlaaj."

"Dan ziet geej heej aan 't goje adres."

"Wie meint geej det?"

"Det geej heej in de iérste Graaf van Loënstraot aan 't goje adres ziet."

"Maar dan weit ik neet of ik heej waal good bin."

"Wiezoë?"

"Mien vrouw zei det ik veur lekkere vlaaj 't beste nao de Piéper kós gaon."

"Maar geej ziet heej beej de Piéper."

"Ik zeen de Piéper nörges."

"Det kump umdet geej heej beej 'nne werme bekker ziet."

"Wat haet det d'r noow mei te make?"

"Werme bekkers ligge euverdaag in bed."

"Ik lig altied 's nachs in bed."

"Ik ouk, maar ik bin dan ouk genne werme bekker. Werme bekkers staon 's nachs in de bekkerie. Ik staon heej in de winkel um de klante te helpe."

"Kint geej mich dan meschien helpe?"

"Aan ein spesjale vlaaj? Det kin. Weej hebbe dees waak de Vastelaovesvlaaj in de aanbieding."

"Ein Vastelaovesvlaaj? Wat móit ik mich dao beej dinke?"

"Ik weit 't neet precies, Patrick verzint iddere maond waal wat niejs en noow is det toevallig de Vastelaovesvlaaj, 'n soort bóttervlaai met kruumelkes. Geej valt met óg neus in de bótter, um 't zoë maar ens te zegge, want die vlaaj is euverheerlik."

"Patrick, ik kin genne Patrick."

"Patrick is miene man en det is de zoon van de Piéper. Daorum neume ze um ouk Patrick van de Piéper."

"Det vind ik maar raar."

"Det is neet raar, de Piéper zien vader waas ouk maar 'nne zoon van 'nne nog aldere Piéper."

"Ik snap d'r hielemaol nijs miér van. Ik bin heej toch waal in Bliérick?"

"Jao, en aan 't goje adres. Maar det is al zoë lang geleje. Geej móit 't zoë zeen det de Piépers al tachtig jaor vlaaje bakke."

"Zien die vlaaje dan nog waal vers."

"Och meneer we hebbe noow spesjaal veur óch dees waek de Vastelaovesvlaaj in de aanbieding. En anders dink ge d'r nog maar ens efkes euver nao."

"Ik weit 't neet bóttervlaaj met kruumels, jao, dan dink ik d'r toch nog efkes euver nao."

"Goedzo, wae is d'r noow aan de beurt. Zes bruuédjes veur óch...."

...

"En heb ge d'r euver naogedach."

"Kin ik meschiens ein stökske preuve?"

"Det zal moeilik gaon. As geej de vlaaj dan neet koup, zitte weej met 'n vlaaj te kiëke wao al 'n stök vanaaf is."

"Det mak toch niks."

"Weej kinne die vlaaj dan toch neet miér verkoupe."

"Die koup ik dan toch."

"Ouk as ge ze neet lekker vind?"

"De zaes net taege mich det 't 'n euverheerlikke vlaaj is."

"Det vind ik, maar det is persuuénlik. Maar veuruit ik laot óch 'n stökske preuve."

"Det is lekkere vlaaj, doot d'r mich maar twië."

"Dan móit ik óch toch teleurstelle. We hebbe d'r nog maar ein. Zó'n lekkere vlaaj in de aanbieding, die vluug netuurlik de deur oët."

"As mien vrouw ze neet lekker vind, kin ik die dan ruile?"

"Wilt geej nao elfenviertig jaor óg vrouw gaon ruile?"

"Nae, die Vastelaovesvlaaj"

"Det hoof toch neet. As geej twië verschillende vlaaje pak, dan is d'r altied waal ein die ze lekker vind. We hebbe ook lekkere riëstevlaai."

"Is det met abrikoëze?"

"Nae, maar heb ge lever abrikoëzvlaaj?"

"Mien vrouw hilt neet zoë van kersevlaai umdet de pitte dan ónder eur gebit gaon zitte."

"Kersevlaaj, dao zitte gen pitte in, die haet Patrick d'r allemaal oëtgehaold. En in abrikoëzvlaaj zitte zoë wie zoë gen kerse."

"Dan doot maar de Vastelaovesvlaai en de kersekoëze."

"Kin ik óch vaerder nog örges mei helpe?"

"Nae, det waas 't waal zo'n bietje."

"Zoë astebleef en doot de groete aan óch vrouw en maak d'r maar 'n groët fiës van."

"Danke, maar d'n tiëd det weej met de Vastelaovend alles op de kop zatte umdet we toevallig twië vlaiae in hoës hebbe, dae hebbe we waal gehad."

Door Ludovicus





Stadspoort

Hotels - Restaurants

American
Hotel-Brasserie

Wilhelmina
Hotel-Café-Restaurant



Wilt geej óg huuske ens opfrisse?
Kóm dan naor
Coenen Interieurinrichtingen
want dao kan 't beslis neet misse.
Die hebbe ech van alles veur
rame en vloere, Ik zoel zegge,
kóm gauw ens koekeloere.
Ze helpe óch flot en hiël patent,
Dan got geej weer naor hoës, hiël content.

Met vriendelijke groet,

Coenen interieurinrichting
BLERICK

Geert Coenen
Coenen interieurinrichting
Tel. 077 382 19 39
Fax 077 382 69 85

Verhaole euver Bliërickse kroege

Deil 5: Kefee fiëszaal De Witte

Kefee de Witte woort in 1932 (bestond al en aantal jaore) euvergenaome van Petran van Deurzen en van 1932 tot 1968 gerönd door Toën Verberkt en zien immer actieve echtgenoëte. As 't good is hangt d'r nog 'n foto baove de bar die herinnert aan deze lange periode. 't Kefee zelf had toen nog de naam Waegbrök want daar woort toendertiëd gebroek gemak van 'n groête waegbrök veur met name vrachauto's.

Vruger kwame boere en tuinders veur 't waege van eur greunte-produkte en brachte vervolges eur goedje naor de dich in de buurt liggende losplaats van de Nederlandsche Spoorwegen. Leuk det dees brök met de Vastelaovend gebroek woort veur de praalwages met de luuj d'r baovenop. Complete weddeschappe woorte aafgeslaote um 't juuste gewich te kinnen raoje. Bedriëvighed te euver beej en veur de Waegbrök. Vuuël foto's in 't kefee ware heej stille getuge van.

Ein ech sociaal kefee waor hiel Bliërick zich thoësveulde.

In 1957 kreeg 't kefee echter officieel de naam De Witte.

'nne Naam dae veur de hand loog want as d'r euver emes van de familie Verberkt gesproake woort waas 't altiëd "die van de Witte".

In 1968 nome Urbaan en Marietje 't kefee euver. Veur eur waas dudelik det daar neet vuuël veranderd mós waere. 't Waas al jaore 'n broën kefee en net det brach de sfeer en gezelligheid. Daor kwaam waal aan de achterkant 'nne groête fiëszaal beej. 't Waas hard nuuëdig met al die greujende vereiniginge.

In 1993 woort oëtgebreed fiës gevierd: 't kasteleinspaar waas 25 jaor getrouwdd. Taeves ware ze 25 jaor in funksie en de familie Verberk hadde d'r 60 jaor opzitte in dit pand.

't Leeuwbeer smakde extra umdet dit al 80-jaor oët de tapkrane kwaam beej De Witte.

Vereiniginge zoë as Wielerclub De Valk, biljartclub De Makkers, voetbalclub SM De Witte en PDV Bliërick makde dankbaar gebroek van dees horeca-aangelegeheid. 't Woord zelfs gebroek



as kleidlokaal as in Bliërick weer 'nne bekinde wielerwedstrijd woort gehalde.

Nostalgische aovende veur ald- Bliërickenaere op de muziek van de Vrijbuiterssong "De hudjes van Marietje "schalde door 't etablissement. Dit nummer waas speciaal opgedrage aan de kasteleinsvrouw. Idderein in 't kefee kreeg 'n speciaal hudje op de kop en in polonaise woort door de zaak getrokke. Aan de bar of taofel woorte döks herinneringe opgerökeld euver vervlaoge jaore in 't Bliërickse en zeker euver de riëke historie van de Witte.

Later is 't kefee euvergegaon op Jan Ningbers en momenteel is 't verkoch aan boëtelandse

investeerders die van plan zien de naam um te zette in "Casa Fiësta".

Haopelik blief dan waal de polonaise van Marietje as ein moëje tradisie regelmaotig daar 't kefee gaon.

Oët de riëke Kefeehistorie van Bliërick

Wortelehannus






Global Transport and Logistics

Uw transport tot in de puntjes geregeld!

DSV Road B.V.
Tasmanweg 2
5928 LH Venlo
Tel. +31 (0) 77- 389 2222
Fax +31 (0) 77- 389 2200

info@nl.dsv.com
www.nl.dsv.com



Bouwbedrijf van der Velden

Gewoon goed!



Weej winse ôch eine fijne Vastelaovend!

Adres: Tiendstraat 14 5921EV Blierick

Tel: 077-3824856 / 0653151747

E-mail bouwbedrijf-vdvelden@hetnet.nl

www.bouwbedrijf-vdvelden.nl



Deze notaris zörgt veur
‘nne klaore kiëk op zake!

MOONEN NOTARISSEN

Antoniuslaan 85 Agricolastraat 75
21 KB Venlo-Blerick 6131 JW Sittard
 077 - 3231888 046 - 2030600

Antoniuslaan 85 Agricolastraat 75
5921 KB Venlo-Blerick 6131 JW Sittard
 077 - 3231888 046 - 2030600
info@moonen-notarissen.nl www.moonen-notarissen.nl

Wortele ónderein

In Blierick, det móet geej weite gaon mit de vastelaovend
regelmaotig minse pleite
Maar aevel neet as se beej ein vereining bis
Waovan in de naam iets met 'Wortel' beschreve is
Nooch steit Blierick allewiels smeis neet altied good bekind
De letsten tied ginge d'r geregeld minse door 't lint
En is d'r geschoate gewaore, binne en boete 't centrum
En alles woort waer oetvergruuert tot ein idioot
maximum....
Maar euverdrieve is ook veur vuuel minse ein gave
In eder stad of dörp zitte kwoje... maar ook brave
Heej woeëne vuuel moeëje minse beejein
De meiste verstaon zich good, en vindé 't heej fijn!

In ós Blierick is 't te doon, dames en hiere, groeët en klein
nou ja... vruger mier as noow.... Waat waas 't toen fijn
Mit waal 50 krooge in 't dörp en daoboote
En die bleve aope van äöpeningstied wies sloete!
Op de Kloeësterstraat strukelsde dich euver de zake
En zelfs op einen doordewaeksen daag kós se 'm dao good
rake
Edere 10 maeter zoot waal einen tapkraan
En gans boetenaaf loog de zaak van Merietje en Urbaan
Maar neet allein in de kern kós se klasjenere en kleppe
-de kins 't dich neet mier veurstelle, det is juus 't neppe-
ouk in de dörpe um ós haer kós se viere
geluif 't waal of geluif 't neet, dames en hiere!
Ouk dao ware krooge in euvervloed, ierlik waor
En wat is daovan euvergebleve nao al die jaore?
Is alles wegbezuing door de Raod, of door 't kabinet?
Of pas zó'n goje klep neet mier in ós budget?
Gelökkig kins se nog waal viere, ook boetenaaf
Met de vastelaovend wuurt d'r flink waat geklep en gelaaf
Beej de Schrabbers en de Poerkers, det geej det weit!
Dao weite ze van wante, geluif det maar geheid!
In 't stadsdeil Holt steit ein groëte stóffe tent
Dao houwe ze op de kis, mit passie, en fervent
De nieje prins, vanaaf 't Roop Oet tot aan 't Ind
Dae geit d'r aan, veult zich door ederein bemind!
Ouk Raspedorius d'n ellefde, dae wieze vors
Meug zich gerös kloppe op zien breije bors
Eder jaor weer dao ein trio oet d'n aek te dreie
Tösse 't wortele gaeje en 't plökke van de aardbeie!

Maar waorum zien weej aan de goje kant van 't Maaswater
Zoeë kepot van wortele, more, pene en ander oranje theater?
't Haet te doon mit de Spanjaarde, en daen hertog van
Alva, daen eine
Dae klopde ós heej de pieke oet de tes, det waas genne
fijne

Eder tieënde deil van alles baove de grónd kwaam dae
haole
Dae haet hiel waat geld toen van ederein gestaole
Maar neet van die slumme minse heej, ik zeg 't óg
Die neijden 'm in zienen eige naod, daen dómmen hertog!
Tieën procent van alle baoegrónse greun moch hae
kómme schoepe
En de wortele? Die heelte zeej zelf, die slumme Blierickse
boeretroepe
En de res van 't greun, daovan woort gemak, luuster maar
ens heej
Klimaatverantwoorde en genderneutrale mis, en toen
kwaam 't idee
Um daovan nieje wortele te gaon laote greuie, wat
achteraaf op 't land
In d'n Bookend en 't Stadsdeil Holt, dao woort toen alles
volgeplant
En de wortele en more die dao greujide, det waas mich ein
fenomeen
Die zoge d'r oet wie eine krómme en krangse winterpeen
Die woorte toen door die Bookendse Worteleschrabbers

En eur Houtblerickse vrinde, det ware eur gabbers
Geduip tot 'Poerkers', lekker waers en krangs
Maar geluif mich heej: zeej zien zeker neet twieëderangs!
De vrinde van Poerkwazel en Raspedorius weite det gewis:
Kiek dao, eine Poerker, det is nog lang neet mis!
En same mit die oet d'n Bookend houwe zeej op die kis
Vastelaovend viere doon zeej ouk dao, det is ónbetwiss!!

Moraal

Ik kin euveral euver dichte, geluif 't maar gerös
Euver buim en blome, euver struuk en bös
Maar euver wortele, poerkers en schrabbers, det kins se
vergaete
Die kins se maar baeter hiel snel, lekker, mit petatte d'rbeej,
opaete
Want dichte heejeuver, det haet genne zin
En daorum houw ik noow de (wortele)pin d'r in!

Frits de Kwazelaer

(Dichte kint hae neet maar aldetäöte duit hae maar al te
gaer)





PIJPERS
brood en banket

www.bakkerijpijpers.nl

Wijnhuis Blerick

VEUR AL OGGE WIËN, BEER EN BORRELS
Winkelcentrum "De Wieën", Til. 077-324 09 09, www.wijnhuisblerick.nl

BANDEN * VELGEN * UITLIJNEN *
WINTERBANDENVERHUUR* BANDENHOTEL

ALLE MERKEN BANDEN
EN VELGEN OP VOORRAAD.

MEER DAN 600 MODELLEN VELGEN LEVERBAAR,
BEZOEK ONZE SHOWROOM.

PARLEVINKERWEG 42 * VENLO-BLERICK
077-3874378 * INFO@BANDENWIEL.NL
WWW.BANDENWIEL.NL



Golde Gaevers Ⓛ Iëredonateurs

Golde Gaevers

@ded Logistics BV
ADMIE BV
Akarton B.V.
AMI B.V.
Arton
Artsenpraktijk Schuivens
A.S.L.B. automatiseringsdiensten
Berden Mode en Wonen
Berghs & Steenhuis
Bliéricksse Krant
Burghouwt
Café de Paerdskoel
Café Feestzaal Boostenhof
Coenen Interieurinrichting
Collin Recycling
CONTOUR
Covebo
CTV Multimodal Container Transport B.V.
Cultureel Centrum 'T Raodhoes
Drukkerij Knoops
Dynamic
Energa
Et Emergo
FM Tyres b.v.
Fred van Wijlick Tuinen
Geba Trans B.V.
Hotel American / Restaurant Niej Jork
Hovens Collin verpakkingen b.v.
Imming Horecabenodigheden
John's Hairshop
Kaneman Entertastement
Keiren Special Enveloppen
Kies Mondzorg
KSC Import
Lebe Business Centers
Libelnet BV
Lindeboom Bierbrouwerij B.V.
Logistic Force Venlo B.V.
LUWI
Maashof
No Lemon Marketing Communications
Notas
Petatte Wiel
Peters-Cabooter Herenmode
Podotherapie Thijssen & Gubbels
Poels Finance & Control
Plus Benders Blerick
Rabobank Venlo e.o.
Sanders en Grubben Notarissen
Scelta Mushrooms

Iëredonateurs

Schade-service-Blerick
Seacon Logistics
Steeghs Onions & Vegetables B.V.
Sur Meuse
Tandartspraktijk Dooper
Teboza BV
Tegro Meubelagenturen
Theo en Margo van Dooren
TransLog Venlo b.v.
Van den Brandt Assurantien
van Enckevort b.v.
Van Heyster schoenen Blerick
Vishandel Sijbers
Vostermans Companies
West Plant Group BV
Wilms Schoonmaakbedrijf B.V.
WTD Opleidingen
Wijnen Bouwgroep
Zuidlease BV

Iëredonateurs

Autowascentrum Combat
Café Zaal Apollo
Fysiotherapie Zuurbier
PTAH Kunstadvies
Restaurant De Cantharel
Schouren Metaal B.V.
Slagerij Basten
Squarekappers
René Bosman & Carmen Simon
van Baaden Kapsalon
Van Ewijk Electro Blerick v.o.f.
Venlogistics B.V.
Bart en Janneke Leenen
Fam. Wolter en Fam. Verheijen
Hans en Jacqueline Derikx
May & Henny
Herman Janssen
Jack Arts
Nelly & Jan Grubben
J. Sijbers Wekx
Joep en Suzanne Leenen
Ruijtenbeek Peter en Olga
Gertia & Ruud
Ronald Saak & Ieke Houben
Roel en Anke Leenen
Pijpers Brood en Banket
Stukadoorsbedrijf Keunen
Administratiekantoor John Lamberts
De Jong Glas Venlo
De Vleesman

In Memoriam

Met dreufenis in ós Wortelepinnehert hebbe weej aafgeloupe jaor van 3 dierbare leje aafschiëd mótte neme.

Mart Jessen

Mart "Bubi" Jessen is neet mier ónder ós wae kin zich herinnere wannier hae begós! Zoëlang geleje, mier as 50 jaor beej de Wortelepin aktief zelves op hoëge laeftiëd alert en vief Vastelaovend, Optoch, Technische Kemissie, decors en wages bouwe ware zien missie. Meister in de Orde van 't Bliéricks Hert, Golde Waerbörstel gekrege 't is um noëts nao 't kopke gestege. 't Waas en bleef gewoën 'nne harde werker 'nne vereinigingsman pur sang, daovan wuurt 'n vereiniging sterker. Altiëd op de achtergrond gezörg det weej Vastelaovend kóste viere det Bliérick kós springe, hosse en zwiere. Zien vastelaoveshert haolde dao oët vuuël voldoening en plezeer Vastelaovend waas belangriëk, dao kwaam alles op neer. Gezaagend gelökkig in 'nne hoëge laeftiëd is hae van ós weggegaon weej zulle um gedinke in alles wat hae veur ós haet gedaon.



Piet de Jong

Ós is óntvalle, Piet de Jong, 'nne markante mins Zoë as se die sóms binne 'n vereiniging hebbe kins. Raodslied, altiëd attent, 'nne echte hiër alleen as se 't örges neet mei ins waas góld det letste neet miër. Haet zien steinke beejgedrage aan veranderinge waodoor weej noow b.v. 'n suksesvol Swaree kinne bringe. Blievend belangstelling hebbend veur de Wortelepin waas d'r nik s wat neet kós en neet kin. Zien advize had hae altiëd klaor det veel um gaar neet zwaor. En as se daobeej ouk nog gezelligheid vónd dan waas Piet emes dae zién menke stónd. Weej zulle deze markante persuuënlijkheid gepas gedinke gaon de herrinneringe aan um zulle op ós harde schiëf bliève staon.



Jacques Pigmans

Wies 't ind bleef beej Jacques Pigmans zien Vastelaoveshert kloppe niks en nemes kós det beej um op ein of andere wiëze stoppe. Al ware d'r korte stops in zien Wortelepinne carrière zien Vastelaovesmuts bleef altiëd bestaan, al ware 't pepere. Zien laeve, 'nne lach en 'n traon, einvoud zien kinmerk fysiek sóms wat minder, maar mentaal erg sterk. Stónd altiëd klaor as se um örges veur vraoge woels en woort giftig as se um d'r neet veur vraoge zoels. Haet zien verdeense gehad veur de Wortelepin Zoë as allein 'nne echte Vastelaovesvierder det kin. Zulle um dan ook bliève gedinke zoë as hae waas heej in zien geleefde Bliérick aan de Maas.



Mood (Jacques Pigmans)

Sóms sleit miene moter aaf net as ik det neet wil. Ik kin dan gewoën genne kant mier oët inens steit alles stil. Maar pak ik dan weer mood zuch ens lekker deep. Dan llop inens weer alles nog baeter dan 't leep.

Weej winse alle femilie, vrinde, bekinde en Wortelepin vuuël sterkte toe beej 't verwerke van alle verdreet.



PLUS BENDERS IS EUVER DEI BRÖK



Bliérick: Vossenerlaan 78 til. 3969344
Venlo: Straolseweg 183 til. 3514666

Optochkiëkers



*Optochkiëkers kómme veur remmiedemmie
En Bliërick steit daorveur bekint
Ze trotsere daor ozel veur en kalde tiëne
Um te genete van 'n eindeloos optoch lint*

JB

JAN BOUTEN
TWEEWIELERS

Dit is ech waor!!!
Met de fiets naor 't werk
Met de fiets op vakantie
Ouk met elektrische fietsen

Baarlosestraat 284, Hout-Blerick
Tel. 382 02 00



PELLET- EN
INTERNATIONAAL TRANSPORTBEDRIËF

W. Hovens

Mauriacstraat 1 - 5924 AL Bliérick
Tillefoon 077 - 382 33 62 / 396 96 96
Fax 077- 387 14 50



weej kaupe
en verkaupe
de beste
pellets
euver de
ganse waereld



Op zeuk nao Vreejwillige Vastelaoves Gekke

De waereld verandert en weej verandere mei. Det is neet taege te gaon. Ouk de Vastelaovend verandert. Op zich is de echte georganiseerde vastelaovend nog neet ens zoë hiel erg ald. Rond de 2e waereldoornlog (net daorveur en daornao) woorte d'r pas groete stappe gezatte die de Vastelaovend meuste borge. Netuurlik woort veur daen tiëd ouk al geviërd, maar det gebeurde vuuel minder in ech georganiseerd verband. De georganiseerde Vastelaovend kint ziene oorsprong in Kölle. Heej zote in 1822 wat hiëre beej ein. Zeej ware bang det de Vastelaovend verbaanje zoel waere, as 't neet georganiseerd en gecontroleerd zoel verloupe. In 1823 woort daorum 't Festkomitee des Kölner Karnevals opgerich. Ouk zoge twië vereiniginge 't laevesleech Kolsche Funke rut-wieß en Die Grosse. Vanaaf det moment greujde de viering. Wie 'n aolievlak verspreide 't volksfiës zich. Steeds miér minse woele 't viëre en dus kwame d'r steeds miér vereiniginge in Kölle en kwame d'r steeds miér minse van boëte aaf naor Kölle. Al redelik snel woorte ouk in andere groete plaatse organisasies opgezatte. Dök waas dao ouk de horeca beej betrokke en/of de veurloupers van de huidige toeristische organisasies. Idderein woel netuurlik gaer zien eige volk binne de eige stad of dörp halde.

Ouk Limburg woort besmet met 't Rheinlandse Vastelaovensvirus. Iêrs in de groete plaatse en later in dörpe en zelfs ouk wiëke. In de jaore '50, '60 en '70 woorte d'r nog hiël wat vereiniginge opgerich. Idderein had zien publiek en d'r waas vuuel belangstelling veur de aktiviteite. 't Waas met rech 't fiës van de lokale identiteit.

De zuus noow al jaore 'n kentering. De stad geit steeds miér terrein winne en mak 't de wiëke en dörpe steeds lastiger. 'n Volledig programma dreije wuurt moeilikker en vereiniginge make keuzes um dinger neet miér te doon. Ik bin d'r van euvertuug det de Vastelaovend noeits zal vergaan, maar 't fiës geit verandere. 't Wuurt miér evenement en minder protocol. Veural umdet minse zich steeds miér gaon opzeuke in gebiede waor wat te doon is. Heejdoor wuurt 't ouk wat anoniemer. In de wiëk of 't dörp kinne vuuel minse zich en kint ouk idderein de prins en de vors. In de stad is det lastiger. Veural as d'r vuuel minse van boëte de stad 't fiës mei kómme viere.

Daornaeve viere steeds minder minse 't fiës. Minse die heej van boëte aaf zien kómme woëne, zien d'r neet mei opgegreijd of ze gaon lever op vekansie of hebbe d'r simpelwaeg nijs mei. En dan heb ik 't nog neet gehad euver de koste veur 'n pilske, 't dalende aantal kroege en de vuuelheid aan fiëste door 't jaor haer...

De minse die 't waal met hert en zeel viëre, keze d'r veur um naor aktiviteite te gaon die gezellig en drök bezoch zien. De wils neet met 11 man aan de bar staon. En zoë zuus se ouk steeds miér de Blierickeenaer de brök euver fietse of loupe. Want daor is 't te doon en daor wuurt ouk flink geïnvesteerd door allerlei partieje. Idder jaor zien d'r waal weer nieje initiatieve. Allemaal opgezatte daor vastelaovesgekke die iets wille toevoegen aan 't fiës.



Dit alles bringk mich tot de vraog wie de toekôms van ózze Bliericke vastelaovend d'r oëtsuut. Ein vraog die neet inkelsjigid te beantwoorde is. D'r zien vuuel Vreejwillige Vastelaoves Gekke nuuëdig um de viering in Venlo-Wes op piël te halde. Ik weit det det de aktiviteite in aanloup nao de dolle daag good verloupe. Maar det is eigelik de opmaot veur de 3 dolle daag... wie zit 't met de offisjele Vastelaovend? En wie zit 't met de lokale identiteit? Laote we daor de kómmande waeke, as we aan 't viere zien, ouk heej ens euver naodinke.

Geneet van de dolle daag!

Sander



CONTOUR ACCOUNTANTS

“ Blief good
gemuts met
dees daag! ”

lijn brengen in uw
financiële toekomst

Venlo T 077 3202900
Venray T 0478 851000
info@contouraccountants.nl


CONTOURACCOUNTANTS.NL

Prónkzitting 2017



't Waas 'n enerverend jaor
Det woort noow aafgeslaote
Welliswaor met 'n bietje pien
Maar wat is d'r van genaote

'n Letste officiële handeling En toen waas 't op
Aewel in de weitenschap
Volgend jaor zet 'n nie Trio
Weer alles op de kop



Worteletruuj 2018 naor de Bliërickse Herte



De hoëge Bliërickse vastelaovesónderscheiding, "de Worteletruuj" is toegekind aan de Bliërickse Herte. Det haet de sjurie van "de Worteletruuj" beslaoete.

De Bliërickse Herte, opgerich in 1957, zien óntstaon oët "Jóng Nederland" en daonao oëtgegreijd tot drumfanfaar. Alvanaaf de oprichting zet dees vereiniging zich in op kultureel en sociaal maatschappelik vlak. Met 40 musicerende leje en tal van vreejwilligers timmere zeej naodrökkelik aan de waeg.

Sjurieverzitter Ruud Knorr: "De Bliërickse Herte zien ziér met Bliërick verbonde. Det bliek neet allein oët eure naam. De (Holt-) Bliërickse gemeinschap duit noejts taevergaefs 'n beroop op eur. Beejveurbeeld beej de Sinterklaos intoch, Sintermerte, de begeleiding van kommunikantjes en de vastelaovesoptochte. Ze zien d'r altiēd beej. Dit jaor woort eur 60-jäörig jubileumjaor same met de Bliërickse bevolking gevierd. Al dreej generaties lang veule Bliërickenaere zich thoes beej de Bliërickse Herte. 'n Vereiniging die de jeugopleiding hoëg in 't vaandel haet staon. Dit alles haet de sjurie doon besloëte "de Worteletruuj" toe te kinne aan de Bliërickse Herte."

"De Worteletruuj" wuurt idder jaor toegekind aan persoëne, vereiniginge of instellinge die zich verdeenstelik hebbe gemak op lokaal/regionaal gebied. De liës van laureate is langk en is te vinde op www.wortelepin.nl. De oëtreiking is ontstaon op initiatief van 't veurmalig Fonds Sociale Aktiviteite en wuurt hede ten dage veurtgezatte door Vastelaovesgezelschap 'de Wortelepin'.

De ónderscheiding wuurt oëtgereik tiëdes 't **44e Groet Gala Worteletruuj**. De opbrings van 't Gala geit naor 'n good doel det in euverleg met de laureaat wuurt bepaold. 't Groet Gala Worteletruuj vindt plaats op dinsdaag 6 fibberwarie in 't Raodhoes.

Um te ónthalde

As geej vraoge heb euver
Vastelaovesgezelschap
"De Wortelepin" of
't Vastelaovesprogramma,
kint geej kóntak opneme
met de volgende persoëne:

Sikkertariaat:

Mevrouw Kristel Janssen
Tillefoon: 06 28176118
P/a postbus 2749,
5902 MA Bliërick
sikkertaris@wortelepin.nl

Bankgegaeves

Raekeningnummers:
NL03 RABO 01.07.70.11.38 (Rabobank)
t.n.v. Vastelaovesgezelschap
De Wortelepin

Sirremoniemeester/kontakpersoën schoëledaag en balbeuke

D'n hiér Ben Rayer
Tillefoon 3825722
sirremoniemeester@wortelepin.nl

Kontakpersoën optochkemissie TK@wortelepin.nl

Kontakpersoën pers
D'n hiér Ted Cornelissen
Pers@wortelepin.nl

**Kontakpersoën advertenties
Wortelgæjer**
D'n hiér Ruud Berden
advertentie@wortelepin.nl

Kontakpersoën leredonateurs
D'n hiér Maurice Lappen
Donateurs@wortelepin.nl

Of bezeuk ós website www.wortelepin.nl
Of kiek op facebook / de wortelepin




de wereld van
TEBBEN



Kiës van de wereld van Tebben, alt of jônk
is met de vastelaovend hiël gezônd
daorum adviseere weej, neem ein stökse mei
dan hilse ut langer oët met det ander grei

Weej zién de hiële waek geäopend in:
Venlo van 9.00 - 18.00 oor in de Parkstraot,

Weej winse ôch
eine plezeerigge
Vastelaovend



Veur alle Bliericke en Venlose minse
vriëdaag op de merret in Bliericke.



Hoëgtepunte Trio 2017





De belaevenisse van Wumke Wiebelkónt

deil 6

't Sikkertariaat van de **Stichting Limburgs Leedjeskonkoers** oët Zwalme had, middels 'nne hiële nette bref, laote weite aan **Wumke Wiebelkónt** det 't liedje van **de tiën Betskes** waar toegelaote veur de veurrónedes van 't **LVK**.

Eur liedje "**Ós koej haet ouk 'n stertje**" voldeej aan de veurwaerd zoëas gesteld in 't reglement van deelneming.

Wumke spróng 'n gaan in de lóch, pakde zien vruike **Betje Behei** spónthaan ónder d'n erm en same sjoenkelde zeej van bliëschap door de gooikamer, 't porseleinskesje rammelde mei en goof as 't waore de maot aan.

"Weej mótte die ander vrouwluuj drek van bescheid zegge, ik zal waal efkes optillefonaere," zag wiësneuske **Betje Behei** en pakde d'n hoëstillefoon van de taofel.

"Ik veulde van gelök 'n "traon" in mien bóks", hoort **Wumke** zien vruike zegge taege schoënzuske **Betje Poëp**, det gaer euveral zien neus in stook en daorum as iérste gebeld meus waere!

"Ik weit neet wat aan mien liëf is, ik staon te razele op mien eige bein."

"Wat zal det beej de veurrónedes waal neet gaeve!" zag **Betje Poëp** gans van de wap!

Ouk de óngekösde twiëling **Betje Wazel** en **Bazel** ware in eur nöpkes en kóste eur gelök neet op! Oëtintelik ware de wäärd en 't liedje **prakkezasies** oët eure kaoker.

De einfache, good in 't gehuur liggende meziëk, kwaam oët eur eineïge baouvekaemerkes, die schienbaar in toënhuuëgtes wónderlik op mekaar aansloté.

Aevel neet te vergaete 't eigewiëste kemmelkundje van de straat **Tante Betje**, 't loupend krentje, meus vanzelfsprakend ouk van 't goje niëts op de huuëgte waere gebrach.

"Ik staek waal efkes de straat euver, det is net zoë mekkelik gedaon", zag **Wumke Wiebelkónt** en vloog de deur oët.

Hae klopde roefelend op de roët, **Tante Betje** waas oët eure praos opgestaan, want zeej had um al aan zeen kómme loupe.

Wumke trok aan 't tuike det oët de brevebus hóng, staonde in de deuräöping, goëjde hae zien blieje baodschap met horte en stoëte door de gank.

"**Jodelahitti**" reep **Tante Betje** en vloog **Wiebelkuntje** met 'n sprungské um ziene diéke speknek.

Al knoovelend en wiebelend, deilde die twië eur gelök, as of det veurluiig neet op kós!

"D'r is vaerder aafgespraaké um vanaovend 'n dröpke te kómme drinke beej ós, dan ik kinne weej alves wat aafsprauke make," zag **Wumke** klook.

"Verdreib det kump good oët, want vanaovend is 't schölkksesaovend en in ós jónge jaore ginge weej deensmaedjes dan joetse," miemerde **Tante Betje** veur zich oët!

's-Aoves schove **de tiën Betskes** aan aan de groëte aettaofel veur in de hoëskamer van **Wumke Wiebelkónt**, dae veur 't gemaak dees taofel had oëtgetrokke.

Wumke woort einstummig gekaoze tot mezikale leider van 't miérstummig Bliëricks zangkwintet **"de tiën Betskes"**.

De vrouwluuj ginge van noow aaf aan, dreej kiér per waek rippeteré, idderskiér beej emes anders thoës.

Wumke Wiebelkónt en zien vruike **Betje Behei** ware altiëd al, as gashiër en gasvrouw de sigaar gewaes en det vónde de euverige **Betskes** oët kosteuverwaeginge neet iérlik.

"Efeng, as geej meint det weej toegeneid zien, dan kóm maar kiëke, det beej ós de muus nog lang neet doëd veur de broëdtrömmel ligge", zag **Betje Behei** 'n bietje getraoje.

"Nae leve sies", zag **Wumke** geröstellend.

"Die maedjes beouge allein maar det idder **betske** ouk, det sprik toch vanzelf, gaer zien steinke wilt beejdfrage."

"Dan is 't good" mómpelde **Betje Behei** nog efkes nao!


't Optraeje van **de tiën Betskes** beej de veurrónede in "**"t Brouwershoës**" te Brookhuze waas euvertugend en klónk oët de F.

Eur liedje "**Ós koej haet ouk 'n stertje**" kreeg 'n daverend applaus en woort bekroënd met 'n gedeilde twiëde plaats, met maar leefs 111 punte.

Noow op nao de finale, die dit jaor gehalde woort in 't zalecentrum van de "**"Hanenhaof**" in Gelaen.

Weej zette alles op de kop!

Mäönke



Optoch 2017




*Det 't heej te doon waas
Waas wie 'n kluntje zoë klaor
Doëzende minse hebbe d'r van genaote
Ós eige Bliërick makde det heej waor*




Soms vinden we ons
product bijzaak...

www.autobedrijffrutten.nl

VOLVO Rutten



Netuurlik dinke weej met ûch mei, beej 't vinge van ein druimhóes!!



Schoëltiëd

't Velt mich op det de schoëlkind van taegeswaordig
't iérste oor altiëd vreej hebbe en dök ouk 't twiëde
oor gen ruuëster hebbe.

De letste twië oor van d'n daag waere ouk standaard
vreej gegaeve umdet die snótblage dan mier tiëd
hebbe um te sporte en te rékjere.

Wat ze tösse die vreje ore allemaal waal doon wuurt
mich eigelik neet éch dudelik.

'Wie waas 't op schoël?

'Leuk'... zegge ze dan...

Jao, vinds se det gek met det anderhalf oor onderwiës
per daag!

Vruger, in mienen tiëd, hadde weej noëits vreej van
schoël, weej hadde gewoën altiëd les... daag in en
daag oët... van 's morges vruug wies 's aoves laat.
Weej telde dan ouk neet in ore, weej telde in daag.
Ik gluif det ik in al mien middelbare schoëljaore ein
gans oor ónverwach vreej heb gehad.

Det kwaam umdet miene liéraar Duits neet op kwaam
dage umdet hae euver zien tóng gestruukeld waas.

Ónwinnig stónde weej toen op de schoëlplaats en
wiste neet wat weej met ózze vrejen tiëd meuste
doon.

Nao ein keteerke ginge weej van d'n ozel weer truuks
nao de klas en begóste alves 't hoëswerk veur de vol-
gende daag te make.

Beej 't valle van d'n duuster gins se fietsend weer
truuks naor hoës met dien loëd zwaore schoëltas ach-
ter op d'n draeger.

Thoës aangekómme, vroog moder dan...

'Wie waas 't op schoël?

'Leuk'... zeis se dan...

Frank Burhenne



Echte leefde

De hes goje vrinde en die goje vrinde hebbe smeis ouk
'nne gojen hóned.

Nog veur det die goje vrinde weite des se d'r bis, haet
dae gojen hóned dich al in de gate.

Óch óch, wat is se blie...

Joénkend en blaffend kump dae kammezäöl dan op
dich aaf gerend.

Hae sleit noëits ens euver, hae haet noëits ens wat
anders te doon.

Hae springk dan vol taege dich aan, zet de puuët op
dien schouwers en belebberd en besabbeld vervolges
dien mörfke oët echte leefde.

Euverspeuld door al det vleis en haor, kieks se dan
wanhaopig naor dien goje vrinde die al tién kiër 'Aaf
hóned, aaf!' hebbe gerope.

Maar niksin dich helpe, want dae gojen hóned is mo-
dern en vreej opgevoed.

Frank Burhenne

Optoch 2017




Winnaar "Vastelaovesgeis" 2017 "C.V. D'n Duikelae"



*"n Explosie van creativiteit
Woort in d'n Optoch los gelaote
'n Vaat vol lol en jolijt
Trok as 'n lint door Bliërieks straote"*





CHINEES INDISCH RESTAURANT KEIZERS GARDEN

v.o.f.

Baarlosestraat 16 - 5921 ED Blerick

077 - 387 13 21

U kunt ook bij ons terecht voor:
Catering Service vanaf € 10,75
Bezorgtijden vanaf 16.00 uur

Openingstijden:

Maandag t/m Vrijdag 12.00 – 22.00 uu
Dinsdag gesloten (m.u.v. feestdagen)

Maak gebruik van
onze Bezorgservice:
Venlo en Blerick: € 2,50
Tegelen: € 3,00

JUMBO

De Wieën



zap
zuidlease auto privé



Gèn bedriéf, waal eine leasewage

Vaste maondkoste

www.zuidlease-autoprive.nl

Markies Póntanus haet 'n finansjeel tekort

Ózze markies stónd weer ens aan de Maas
En keek oët euver water, wei en graas
Zien finansjele situasie waas 'n bietje link
Want zien portemenee waas nog platter dan de platste vink

Hae waas paniekerig en in alle staote
Want hae wis neet wao hae al det geld had gelaote
Had ik noow maar ens wat miér verstand
En neet det groête gaan in mien linker én rechterhand

Hae waas zich 'n paar deure wandelschoon gaan koupe
Um wat baeter naor zien stamkroeg te kinne loupe
Wao hae zoot tot midde in de nach
En waas toen met 'nne deure taxi nao hoës gebrach

En ouk, det is zoë klaor as 'n kluntje
Waas hae vuuëls te rojaal met 't gaeve van 'n rundje
Neet allein beej de kaarttaofel waas 't raak
Maar hae goof ouk nog minnig rundje veur de ganse zaak

Wie Truu j det huurde waas t breid veur um gaan staon
En is toen wie 'nne wilde taege um tekiér gegaon
De helps mich zoë van d'n dröp in de finansjele raege
En dao kin ik langzamerhand ech neet miér taege

Ik bin 't meug diene iëwige slappe praat
De lieks waal op ózze eige gemeinteraad
Die hebbe ouk 't ein en ander gemis
En zitte noow met 'n laege gemeintelikke schatkis

Vuuëls te lang bis se diene eige waeg kinne gaan
Waodoor dees dramatische situasie kós óntstaon
De kumps noow en det snaps se toch waal zelf
Ónder kurataele, 't bekinde artikel elf


De geis 't noow dan ouk ech belaave
Dets se genne cent zónder mien toestumming oët
kins gaeve
Dien gesmiet met geld is van de zotte

Noow geis se maar ens liëre um te gaon pótte

Ózze markies meus det effe laote bezinke
En ging toen maar 'n kreative oplossing bedinke
As Truu j zoë op zien streepe blief staon
Dan is 't met mich as laevesgeneter gedaon

Dus gaon ik noow maar 'n pienlik eike legge
Door taege Truu j rónedoët te zegge
Ik bin noow einmaal 'nne finansjele kloon
Maar ik zal 't eg en iërlík noëts miér doon!!!





In de Priëze 2017



Wages

- 1 C.V. D'n Duikelaer Kom euver de kabel, heej is 't te doon!
- 2 VVK de Fiemelaers Heej is 't te doon, daorum striéke weej heej neer.
- 3 Vrindegroep "Tiëd-Zat" Weej marsmenkes kómme 't leefs naor Bliërick....want heej is 't te doon!
- 4 V.G. Sjonge jonge Nao dreej daag weer truuks in d'n tiëd, heej is 't te doon, det wil ik noëts miér kwiët.

Groete Groepe

- 1 Vrindekup "De Neetnekke" Weej hebbe ós uigskes op Bliërick laote valle, want heej is 't te doon!
- 2 Vrindeckup "Altiëd de letste" Met unne jäörige in ós midde, is 't beej ós te doon!
- 3 Handbal Vereiniging Bliërick Idder jaor is HVB weer op de bein. Met ós hudjes en pekskes gaon weej veur nummer ein.
- 4 Waazelotte Met ózzen opperoof as prins al jaore gewins. Op bloëte veut of lakschoon, heej is 't te doon!

Midde Groepe

- 1 Hitzacker Boeben Niks kabelbaan, maar met ós vaer
- 2 Femilie Leenen Weej gaeve 't óg te doon!
- 3 B.V. "Onderlinge Hulp" Vastelaovesgeis. Heej is 't te doon!
- 4 D'n ellefde man Veur alle vastelaovesfens: ein ode aan d'n disco dens!

Kleine Groepe

- 1 De halve zäölkies Heej is 't te doon, maar geej z(i)et veur ós de kers op de taart
- 2 Van alles wat De optoch is ós te VER STAPPE(N)
- 3 De Druimers Kabelwaan! Wat eine poppekas!
- 4 VC Now of noëts Heej is 't te doon, daorum komme weej van boëteaerds

Joekskepelle

- 1 Joekskèpel "Och nae toch!" Heej is 't te doon, minse met 'nne saxofoon
- 2 Joekskèpel "D'n Heiten Haspel" As of se ze zuüs vleege
- 3 Joekskèpel "De Nachravers" Veur en met De Nachravers is 't heej al 41 jaor te doon!

Groete Muziekgezelschappe

- 1 Hermenie St. Caecilia Kalde tiëje, werme klanke. Heej is 't te doon!

Boëte meidining


- 1 W.B.G. Boeit neet Heisha um de Geisha

Faatse

- 1 Piet Welles Letste brosje van Josje

3-Kes Priës

- 1 de Knoevelaars Bliërick first, Venlo second



'nne goje Speciaal Envelop
bringk óch
'n hiël ind op waeg.



Keiren
special mail solutions

Be inspired, be creative...

Verpaknings Enveloppen

LuxeHuisstijl Enveloppen

DirectMarketing Enveloppen

Wattstraat 7, Venlo
Postbus 100, 5900 AC Venlo

Tel.: +31 (0)77 382 18 51
Fax: +31 (0)77 382 27 55

info@keiren.nl
www.keiren.nl

Faatse



*'t Recep van 'nne Faatse?
 "s Middaags oëtveure, wat 's morges is bedach
 En velt 't kwartje langs de kant
 Volg de beloëning 'nne waalgemeinde lach!*




INLIJSTERIJ BETZEL.BIZ

Vakkundig inlijstwerk,
deskundig advies met computer-
ondersteunde visualisering.
Computergestuurde
passe-partoutsnijmachine.

*Schilderij-ophangsystemen, schoonmaken en restaureren,
verf, schilderdoeken en andere schilderbenodigdheden.*

www.betzel.biz . Veldenseweg 62 . 5914 ST Venlo . 077 320 02 17 . info@betzel.biz



BEWINDVOERINGSKANTOOR JacobsenJanssen

Specialisten in
Beschermingsbewind & Inkomensbeheer
Mentorschap & Curatele

Molierelaan 176, Blerick • T. 077 382 90 81

www.jacobs-janssen.nl • info@jacobs-janssen.nl

Bancairevereniging
PBI

Truujendaag 2018

Baer zien vrouw had 'nne ganse zwiek vrindinne. Met de ein waas se closer as met de ander, maar euver 't algemein ware ze 't altiēd same ins. Zoë kwaam d'r ein met 't idee op de proppe um ens 'n lingerie-party te organisere! Niks ordinairs of seksistisch, maar um ens in alle rös te kiéke, of ze eur figuur gennen oppepper kóste gaeve. Iérs ware ze wat lacherig en giechelijg, maar 't idee kreeg gestalte en woort d'r 'nne datum geprik. Det 't vlak veur Truujenaaovend veel waas gen probleem, maar de vraog waas : waor? De insigste die daoveur in aanmerking kwaam, waas Baer zien vrouw. Die had 'n groête kamer en keuke, waor ze zich good in kóste umtrekke. Bleef euver as "obstakel", Baer en Mazzel! Dae letste bleef gewoën in zien mand. Maar Baer...as dae baove op zien kantuurke zoot, waas det toch zó'n bietje as 'nnen ónzichbare pottenkiéker.

Dus begós zien vrouw um te moeke en veur te bereide of e dan meschiens naor de kroeg woel gaon um te toepe of zoë.... Hae had d'r waal oëre nao en luusterde maar half naor euren oëtleg. Zó'n tupperware gedeuns met kwetterende vrouwe waas nik s veur um... Dus 't óntging um dan ouk gans det op de geplande aovend, kamerscherme en groête spiegels, naor binne woorte gedrage. Wie de iérste dames arriveerden, verdween hae naor ziene mannaovend.

De presentatrice van d'n aovend goof ónder 't genot van 'n kopke kóffie oëtleg, de dames keke zich de ouge oët! Jusses, wat waas d'r 'n sexy grei te koup! Waas det waal wat veur eur....? Maar wie d'r ein schaop euver d'n dam waas....en 'n paar glaeskes "appelsap à la Baer" vaerder ging ze los ,huur! 't Waas 'n dringe achter det scherm en kritisch woort d'r kommentaar gegaeve. En 't waas waor, 'nne gojen óndergrond waas belangriék en jao, 't

oug wil ouk wat! De ein nao de ander besloot in d'n buidel te taste en zichzelf ens lekker te verwinne. Idderein vón d' nne gslaagden aovend, mede ouk door de glaeskes.

Idderein? Nou, Baer waas vol verwachting aan zienen aovend begós, maar 't veel um toch 'n bietje taege. Hae had 't biljarte en toepe neet miér zoë in de vingers, eigelik verlangde hae al gauw naor ziene praos naeve Mazzel. Dus besloot e op hoës aan te gaon en via de beejkeuke naor baove te verdwiene. Hae makde de paort aope en dach toen det e neet miér taege drank kós.... Veur 't keukenraam zoog e 'n scherm met daoreuver allemaol damesóndergood en wat veur...! Wat waas d'r loos, dao binne? Óngerös äöpende hae de deur, dit had toch nik s met plastik kumpkes en bekskes te make?! Veur hae vaerder leep hoosde hae iérs hiël hard, de wis maar noëts....

"Baer, bis dich det? We zien klaor! Kóm maar binne," reep zien vrouw. Nóndeju, dit waas ouk zien hoës! Hae douwde de deur aop en veulde zich viëftig tinte roéjer waere. Dao stónd 'n vraemp mins, bh's, slippes, negligrés en allerlei ander sexy grei in doëze te pakke. "Eh, ik dach det 't Tupperware waar," zag e wat óngemekkelik, " veur d'n hoëshald en zoë". " Nae schat," zag zien vrouw, "dit is veur en zoë! Wach maar aaf!" Waorop de ganse zwiek in 'nnen deuk loog van 't lache en hae zich maar gauw oët de veut makde naor baove.

En wie zien vrouw um 'n paar daag later op Truujendaag hoijs kósde en hae eur nog ens good bekeek, zag e wie ze weg leep," tjonje, de bis nog altiēd 'n stök!"

Ze meus d'r van bloze, daen Baer! Die investering loënde zich al. Zoë zuus se maar weer, 'nne gojen "baom" is belangriék..... in alle op zichte!

Elke





**"Lach en geneet,
in de brasserie!"**

brasserie Gooije Raod

Ein unieke belaeving met ierlikke
gerechte taege ierlikke prieze
in hertje Blierick.



Dan zien weej aope...

Maondaag t/m zondaag kinse lekker
beej os lunche (van 11 wies 15 oor)
Dinsdaag en donderdaag t/m zondaag
kaoke we auk veur och
(aope van 11 wies 20.30 oor)

Reserveringe
077 382 10 04


Met de vastelaovesdaag is de keuke aope
veur lekkere snacks!



Prinselikke kiekjes





 **Jan Grubben**
Bloemen & Groendecoraties

Venlo T 077 3821728
Ubroekweg 10 Noord, 5928 MT Venlo-Blerick
tel. 077- 382 17 28 - E-mail jangrubben.venlo@vbw-groenplein.nl

 **kies[®]**
mondzorg

KIES MONDZORG Driedecembersingel tel. 077 3875755 www.tandartsderikx.nl

Kump Fort Sint Michiel waer tot laeve?

80 Jaor oorlog met de Spanjole haet oëtintelik 't trotse Fort Sint Michiel laote verstoiffe.

Toendertied op 'n Venloos grondstök aan de Bliërickse kant.

Ieuwe later zien intelik de reste truukgévonde ónder de vuuële sliëtlaoge van zweit, blood en puin.

En waer wuurt d'r 'nne, dit kier interne striëd, gevoerd van wat gaon weej met de reste van 't Venloos Fort en 't groete terrein doon.

Vuuél ideje en miljoene bôrger eurotjes zien al gebroek veur dit terrein: Voetbalstadion V.V.V., Holland Casino, Schoelecomplex, MegaBios en ouk 't Leisure en Pleisure concept (PlatBliëricks veur óntspanning en pleezeer) dreige waer ónder 't zand te verdwiene.

Jónge en alte wethalders knappe aaf op de nobele planne, Zelfs de veurgenaome gezondheidsformule van de op stapel staonde verschalle is al euver datum. As ik euver 't iemmense terrein fiets ruuk ik euveral de rottigheid van dae groëtswaanzin.

't Liek waal of d'r pasgeleje nog 'nne veldslaag haet plaatsgevónde: laege gebouwe, slechte veldwaeg en depe koële waors se dich 'nne dieke bôlt aan vels.

Goje tip: Gank iêrs vaerder met grave en gegarandeerd det 't Blariacum oët de Romeinetied nog ens te veurschien kump. (nog steeds zien namelik die ald-stein zeukers neet zeker waor die Romeinse nederzetting noow einmaol haet gelaege).

Nog 'nne tip: Bring 't alte Fort Michiel in zien alte glorie truuuk. Haol de Spaanse legeruniforme veur d'n daag zoëdet 't Fort verdeidig kan waere taege vraemde luuj vanaaf de Venlose kant.

Bouw ouk nog ens 'n groët Romeins 50 maeter badhoës waor alle Blierickenaere van kinne genete. 't Boëtebad Moder Maas is dan veur aaf te keule en de euverstaek te make van al die Pruuse naor de binnestad van ós schoëne döbbelstad Venlo.

Bouw 'n groët Gerard Berden Stadion veur de jaorlikhs gehalte Gladiatore-gevechte oët vervlaoge jaore

en zörg veur 'n heuse Atletiekbaan veur de iérste Bliërikse Olympische Speule.

'n Vershal mótt kómme met euvergebleve vergaete greunte en fruit gratis aaf te haole door al die daakloze minse.


Jaomer de zeipbel is veur de zoëvuüelste kier geknap: met de huidige Venlose politiek kan 't nog waal 80 jaor deure veur det dit allemaal geit kómme. Vuuél wethalders zien dan al waer lang verdwene van 't striëdtoniël.

Ik zeen 't dan oëtintelik toch gebeure: De Frederik Hendrikkazerne geit waer aope.

De deensplich is namelik truuuk van weggewaes en 't rollend militair-vervoer mak zien dagelikse route daar Bliërick.

Conclusie: Alles kump waer beej 't alte.

**Met Gaef Alaaf Groet
Wortelehannus.**



MAASHOF



Weej winse óch eine joeksige vastelaovend!

Heej is 't te doon!

Ein aetentje of lunch, euvernachte, vergadere of ein oëtstepke
met vrinde of collega's? Geej ziet 365 daag van 't jaor van herte
welkóm beej Maashof!

Maashof
Maashoflaan 1
5927 PV Venlo-Boekend
T: +31 (0)77 396 93 09
info@maashof.com
www.maashof.com

Van alles wat



Elf vraoge aan

Óndanks det met Vastelaovend smeis hiëre op de veurgrond staon werke achter de scherme 'n hiël aantal dames keihard um de Vastelaovend in Blièrick tot 'n groët succes te make. 't Wuurt dan ouk tiëd um aan de veuraovend van Vastelaovend dreef van dees prominente dames van de Wortelein aan 't woord te laote. Joyce Smeets, Elly Leenen (Organisatie Kemmissie) en Diana Geeraets (Wortelegaejer) kriëge elf vraoge veurgelag, waarbeej zeej steeds 'n keuze mótte make.

Joyce Smeets

1. 1. Prins of Adjudant? **Adjudant**
2. De Vastelaovend van 2017 of de Vastelaovend 2018? **Vastelaovend van 2017**
3. Dieter Koblenz of Beppie Kraft? **Beppie Kraft**
4. Dameszitting of Hiérezitting? **Dameszitting**
5. 'n Glaas beer of 'n glaas roëje wien? **Lever Radler, maar as ik móet keze dan doot maar 'n glaas beer**
6. De Pronkzitting zittend of staond? **Staond**
7. Dameszitting beej Apollo of Royal Irene? **Royal Irene**
8. 'n Funktie beej de TK of JK? **TK**
9. De Dameszitting beej Royal Irene of in 't Raodhoes? **Royal Irene**
10. Optoch meiloupe of optoch naeve de route kiëke? **Optoch meiloupe met de vrinde**
11. Vastelaovend in de winter of in de zomer? **In de winter**

Op welke vraog wilt geej nog truu kómme en 'n toelichting gaeve? **Op vraog 2:**

In 2017 waas miene partner, Dimitri Peeters, adjudant beej prins Rob. Dae Vastelaovend waas veur ós 'nne Vastelaovend um noëts mier te vergaete!

Elly Leenen

1. Prins of adjudant? **Prins!**
2. De Vastelaovend van 1990 of de Vastelaovend van 2018?

Kin gen keuze make, dus doot maar allebei

3. Vastelaovend in de winter of in de zomer?

In de winter

4. De Wortel en de Pin of Dao isse dan, dao isse dan, dao is de nieje prins?

Netuurlik de Wortel en de Pin!

5. Gedichje veurleuze in 't bejaardehoës of op de dameszitting? **Bejaardehoës**

6. 'n Glaas roëje wien of 'n glaas witte wien?

Roëje wien, maar witte lös ik ouk

7. 'nnen Buut van Pierre Cnoops of Jan Geraerds?

Jan Geraerds

8. Woëne in 't centrum of woëne naeve de Majem?

Wat dinks se? De Majem!

9. De Pronkzitting zittend of staond?

Mak nik s oët as se dich maar ammezeers

10. 'n Funktie beej de JK of de P&M?

Gezeen miene laeftiëd, P&M

11. Dameszitting of Seniorenzitting?

Allebei, heb gen veurkeur.

Op welke vraog wilt geej nog truu kómme en 'n toelichting gaeve? **Vraog 2:**

1990 is 'n speciaal jaor veur mich, umdet det 't jaor van Prins Lambert d'n 1e waas, miene inmiddels euverleje man. Dao heb ik dus speciale en moëje herinneringe aan. 't Jaor 2018 belaof ouk weer 'n spetterend gebeure te waere, de mós dich d'r idder jaor weer op verheuge, dich d'r idders kier weer in ónderdómpele, doot mei en ammezeer dich, welk jaor 't ouk is!

Op vraog 11 wil ik ouk nog efkes 'n korte reactie gaeve umdet de dameszitting altiëd 'n bietje mien "kiendje" is gewaes. Bin dao al 24 jaor beej betrókke same met onder andere Joyce Smeets en heb ze 11 jaor gepresenteerd. De seniorenzitting vind ik zoë lekker pretentieloos. De minse hebbe 'nne geweldige avond en genete d'r van, det guf ós as organisatie weer voldoening.



Diana Geeraets

1. Op wintersport gaon of d'n Blièricksen Optoch kiëke? **D'n Blièricksen Optoch kiëke!**

2. De Wortelegaejer of d'n Blièrickse Krant? **De Wortelegaejer**

3. Wortelestamp of Boeremoos? **Wortelestamp**

4. De Wortelegaejer op papeer of digitaal? **Alderwets op peper**

5. 'nne Man of 'n vrouw als nieje veurzitter van de WP? **'n Vrouw**

6. 'n Glaas roëje wien of 'n glaas witte wien? **'n Glaas witte wien**

7. De Wortelegaejer of de De Träöt? **De Wortelegaejer**

8. Vastelaovend in Blièrick of Vastelaovend in Venlo? **Vastelaovend in Blièrick**

9. De Gaejer in tabloidvorm of in huidig formaat? **In 't huidige formaat**

10. Khick of Aparty op 't Swaree? **Khick**

11. De Dameszitting in 't Raodhoes of beej Apollo? **In 't Raodhoes**

Op welke vraog wilt geej nog truu kómme en 'n toelichting gaeve? **Op vraog 5:**

Nao miér as 66 jaor mannelikke veurzitters zoel 't mischien ens 'n vrouw kinne zien.

In deze tiëd waorin idderein 't drök haet kin 'n vrouw mischien wat rös bringe en laot ós iërlík zien vrouwe kinne good organisere en probleme oplosse, det doon ze thoës ouk en wae wet met 'n vrouw as veurzitter kump oëts de Dameszitting nog ens in 't Raodhoes.

Vastelaovend in Bliërick





CAF   | FEESTZAAL

Een garantie voor
Gastvrijheid, Kwaliteit & Service!

Bezoek onze website: www.boostenhof.nl



Caf   Feestzaal Boostenhof

Heymansstraat 125
5927 NP Venlo-Boekend
Tel. 077 382 21 08



TISSEN'S
LOONBEDRIJF BV

Uw partner voor o.a.:

- Tuinrenovatie bij particulieren
- Aanleggen van rijbakken en longeercirkels
- Egaliseren
- Tuinbouw-loonwerk
- Graafwerkzaamheden
- Speciale transporten
- Gladheidsbestrijding

Tissen's Loonbedrijf B.V. – Kockereweg 131 – 5927 PE Boekend – 077-3969461

www.tissensloonbedrijf.nl – info@tissensloonbedrijf.nl

**Bel voor meer informatie,
vrijblijvend advies of een offerte:**

Algemeen: 077-3969461

Hen Tissen: 06-53736318

Erik Tissen: 06-54216338



Jubilarisse Vastelaovesgezelschap de Wortelein 2018

Zoë as idder jaor hebbe weej weer 'n aantal minse die in 't zunke mótte waere gezatte, umdet zeej dit jaor 11 of 22 jaor lid zien van ós vereiniging. Minse die vuuël vrejen tiëd aan eur hobby hebbe besteejd en nog besteje. 'n Hobby, die 't ós en veural óch meugelik mak in Bliérick 'nne schoéne Vastelaovend te viere. Zónder dees minse llop d'r genne optoch, waere gen zittinge geregeld en meugelik gemak, kortum wuurt d'r genne Vastelaovend gevierd. Vreejwilligers, die steeds zeldzamer waere en wao iddere vereiniging taegeswaardig op stieit te springe um ze binne te haole en daonao te halde. Heejnao 'n kort euverzich van ós jubilarisse.

Thijs Ottenheim is 11 jaor lid en zoë as vuuël leje genne mins dae op de veurgrond traejt. Hae duit zien werk, waodoor ós gewaardeerde zittinge meugelik waere. De kaartverkoup wao hae ónder andere, same met Anita Coenders, verantwoordelik veur is, is neet altièd aeve mekkelik.

Paul Brouwer is al 22 jaor neet weg te dinke beej ós Technische Kemissie, waobeej zien belangstelling veur alles wat met geluud te make haet dudelik nao veure is gekómme. Zien Vastelaovesblood is dudelik aanwezig, gezeen ouk zien energie gestop in Blariacum Baeregood waobeej hae aan de weeg haet gestaan.

Sjaak Coopmans is 22 jaor lid, waobeej hae lid van de Technische Kemissie en lid van de Raod van Elf is gewaes.

In beide hoedanighede 'nne man wao me letterlik op kós en kin bouwe. As Adjudant van Prins Graat beej de Wortelein binne gekómme, 'nne echte doener, dae altièd klaor stieit as d'r iets mótt gebeure, kortum ónmisbaar veur 'n vereiniging as de Wortelein.

Graat Peeters, wae kint um neet in Bliérick, is 22 jaor lid, waas Höegheid in 1996 en haet daonao 11 jaor beej de Raod van Elf meigeloupe. Bekind um ziene humor, maar ouk zien betrokkeheid beej wao hae mei bezig is. Stieit altièd klaor um örges mei te helpe, beej te springe. Ouk as lid van de Flarussen kint hae op veurtreffelikke wiëze zien ei kwiët.

René van Veggel, 22 jaor lid van ós vereiniging, waovan 11 jaor lid van de Organisatie Kemissie, wao hae met name verantwoordelik waas veur de financiële aafwikkelinge, 'n bezigheid die hae op mierdere terreine in 't Bliérickse vereinigingslaeve bezigt. Vastelaovend zit ook um diek in 't blood en druüg hae via optochvereiniging Utopia dan ook met verve oët in waord en daad.

'n Feit det zeker is det dees jubilarisse de Wortelein en de Vastelaovend 'n werm hert toedrage. Drage eur vereinigingsmedalje met rech en kinne dao gruuëts op zien. Weej winse eur dan ouk proficiat met dit jubileum en haope det zeej nog lang en vuuël energie in eur hobby kinne en meuge staeke. Det haet de Wortelein hard nuuëdig!



Thijs Ottenheim



Paul Brouwer



Sjaak Coopmans



Graat Peeters



René van Veggel

Colofon

Deze krant is 'n oëtgave
van 't Vastelaovesgezelschap
"De Wortelein" Bliérick.

Advertenties:

PM-kemissie Wortelein met dank aan leje
van de Wortelein.

Schriëvers:

Frank Burhenne	Luud Smeets
Herman HermSEN	Wiek Janssen
Hans Huijs	Sander Mattheijssen
Elly Leenen	Roy Peeters
Rien Meijer	Bas Vissers
Peter Ruijtenbeek	Huub Wismans

Foto's

Aneta Martens fotografie (veurpagina)
John Smit
Marcel Delvaux (jeugduo)

Teikeninge:

Milly Cuijpers

Redaktie:

PM-kemissie Wortelein

Drök:

Drökkerie Knoops, Venlo

De redactie bedank names Vastelaovesgezelschap "De Wortelein" alle óndernemers en teksschriëvers die dees oëtgave meugelik hebbé gemak.

Speciale dank geit oët nao de medewerkers van Drökkerie Knoops Venlo.



Vastelaoves Finale 2017



JCI

Bliërickse Herte



't Jaor 2017 waas biezonder veur Drumfanfare Bliërickse Herte. De vereiniging bestond namelic 60 jaor, en det meus gevièrd waere. 'n Fiès veur alle minse die oëts bertòkke ware beej de Herte en 'n evenement in hertje Bliërick, det waas 't idee. En zoë

geschiedde. Binne de vereiniging woort 'nne werkgroep in 't laeve gerope die dees festiviteite meuste gaon organisere en zeej bedachte ónder andere um 'n reünie te organisere veur ald-leje en betrókkene beej de Herte. Op vriëdaagaoevend 7 juli verzamelde zoë 'n kleine 200 minse zich beej 't Raodhoes in Bliërick en woorte, in 'nne prachtig versierde zaal, vuuel herinneringe van vruger

opgehaold. 'nne Daag later waas 't tiëd veur 't muzikale hoëtepunt van 't jaor: 'Eine Hertelikke aovend in hertje Bliërick'. 'n Aopoluch concert van de Bliërickse Herte op 't Antoniusplein veur 't Raodhoes en de Paerdskoel met veuraaf 'n heerlik dreeggangendiner veur de bezeukers. De gaste waande zich op 'nne zomeraovend in Mediterraanse sferen. 't Waar 'nne geweldige aovend, wao nog lang euver is naogepraot in 't Bliërickse. As aafslöeting van 't jubileumjaor ging de ganse vereiniging aafgeloupe september met de bus naor Europapark in Freiburg veur 'n gezellig weekendje weg.

Noow 't jubileumjaor achter de rök is, kiëke weej veuroët. Netuurlik trekke weej ook dit jaor weer mei in d,n Bliërickse optoch, maar tradisiegetrouw hebbe weej in 't weekend veur de vastelaovend iërs ós Hertebal beej feeszaal de Waeg. Dit jaor op zaterdag 3 fibberwarie. Zörg des se d'r beej bis! As we iets wiejer veuroët in dit

jaor kiëke, dan kinne we óch meideile det d'r ein twiède edisie geit komme van ózze 'Hertelikke aovend in hertje Bliërick' en waal op zaoterdag 7 juli. Wilt geej dit muzikale evenement in hertje Bliërick ouk meimake? Kiëk veur miér informasie op ós website of neem kontak met ós op. Uiteraard is taeves idderein van herte welkom beej ós vereiniging. Dus liek 't dich leuk um meziëk te make beej 'n gezellige club die boëte de muzikale aktiviteite ouk nog andere leuke dinger duit? Steur 'n mailtje of kom ens kiëke op ein van ós rippetisies.

Hertelikke groet names 't bestuur en de jubileumwerkgroep,

Rob Jacobs

Algemeen bestuurslid
Drumfanfare Bliërickse Herte



De belaevenisse van Wumke Wiebelkónt

deil 7

Met 'n groête gerefelikke autobus, woort d'r aafgereis
nao de alte Maurits mienstad Gelaen.

De stumming waas
oëtzónderlik good en aan ein stök woorte d'r
Vastalovesliedjes gezóng.

De moëje reisbus van Roetje Ghielen oët Beringe
woort veilig euver de autobaan geloëds.

Door de joeks en 't plezeer ónderwaeges waas de reis
zoë veurbeej

Ouk det optraeje ging gans gesmeerd, 't klónk mieters
en had 'n good verloup.

De naomaak koej, met **Leike en Theike Sjoester**
d'r in, sjoenkeld permentig op de maot van 't liedje
euver 't teniël en ouste ,n oérverdouwend applaus.
Gaonde waeg d'n aovend waas de spanning in de zaal
en in 't artiste-kefee um te sneije.

't Gedöld van de minse woort örtelik op de proof
gesteld, veural noow 't hoëgtepunt zoë doen beej
waar.

Wie oëtintelik alle oëtslaeg zörgvöldig beejein
geteld ware, kós de veurzitter, van 't **LVK** d'n hiér
Braomelaers, de winnaer bekind make.

Op snippetörte meuste **de tiën Betskes**, jummig
wie zund noow toch, ,n liedje oët Ulestraote veur
laote gaon en haolde zeej toch nog 'n waalverdeende
twiëde plaats.

't Slottafriël waas einmaolig, um noëts te vergaete en
ging nog efkes in d'n **"Hanenhaof"** vaerder.

DetiënBetskes, met eure groête aanhangennaomaak
koej, verlete de fiëszaal met gepaste gruuëtsigheid,
aevel waal allemaal met de kómmesveur nao veure.
't Gezelschap kwaam aafgelaje thoës van meugigheid,
de meiste hadde slaop wie 'n nie kiendje.

"Ik bin blie as ik zommedein in d'n heia ligk," gaapde
Wumke Wiebelkónt.

"Woensdaagaovend kómme weej weer beejein en
laote dan alles nog ens de revue passere,
ajuu en slaop lekker," reep **Wumke** idderein nog nao.
Wie **Wumke Wiebelkónt** 's morges de Venlose Krant
aoesloog kós hae zien eige ouge neet geluive.

'n Groëte foto van **de tiën Betskes** priëkde op de
binneblaadzie, met de naomaak koej in 't midde.

**"Zuvelfebrikante en biëste pertieje make herrie
in 'n laege straat"** waas de kop van 't artikel.

De vereinigung tot in standhalding van de Limburgse

fluiterkiës **"Hangop"**, de landelikke Koeje Pertie
"Koetje Boe" en de pertie **Oëtgeslaope Biëste**
haekelde ónder andere de tekste:

*Fluiterskiës en 'n toët baer, baer, baer en De melk
kloets zich vaneiges stiëf, stiëf, stiëf.*

De zuvelhandel bewaerde det fluiterskiës en baer
beejein zich neet good verstónde en meus daorum
sterk waere aafgeraoje.

Springende kuuj kriëge op d'n deur las van óntstaake
dième luujde 't verwiet van **"Koetje Boe"**.

Wumke Wiebelkónt sloog verwaeze de hand inein
en reep knoerhard door de kamer haer:

"Zien die dao nog allemaal waal good wiës".

Vruike **Betje Behei** kwaam bezörg in eure hoësscholk
de kamer ingestiefeld en vroog: "Wao maks se dich
noow weer dieke bein euver"

Betje Behei zat zich röstig in de praos en begós 't
verhaol hard op te laeze!

"Wat 'nne schaele wazel zegk, det is noow groët
gedeuns: 'n ei in 'nne muibelwage, zag ós mam vruger
altiëd".

"Roop **de tiën Betskes** maar sebiet beejein veur
spoodberaod", spoësde **Wumke Wiebelkónt** wie
'nne miertse kater.

In tiëd van 'n sneej mik ware de vrouluuj
opgetrömmed en gove zeej bliëk van saamhurigheid.
't Niëts euver 't stök in de **Venlose Krant** ging wie 'n
loupende veurke door de Bliërickse straote.

Wumke had de pot met
Boerejónges ves op taovel gezat
en **Betje Behei** deilde de glaeskes
en laepkelkes rónd.

"Alleriërs preuskes op 't moëj behaolde risseltaot in
d'n **"Hanenhaof"** in Gelaen", zag veurzitter
Wumke Wiebelkónt straolend van gruuëtsigheid.

"Óg optraeje dao, waar gewoën einmalig en van
groëte klasse".

"Ik bin zoë gruuëts wie 'nne paerdskeutel".

Aevel det stök in de krant haet ós behuurlik
beloeksefoeks!

"Ik vraet 'nne baer op as det dae zoon van **Sjeng**
Prazelaers neet haet geschreve, dae werk beej de
krant," meinde **Tante Betje**, terwiël zeej 'n slukske
van eur **Boerejónges** noom.

"Weej mótté 'n ingezónde stök in de **Venlose Krant**
schriëve", repe **de tiën Betskes** in koér!

Weej zette alles op de kop!

Mäönke



En dan is 't krinkske weer rond

't Waas in 82.

Weej ware 'n good jaor getrouwde en hadde d'n hoofpriës gewónne.

Met d'n hoofpriës in d'n depe kinderwage lepe weej euver de straat die gevuld woort met vastelaovesmuziek dae oët de deure van de kefees knalde. Ik had dors wies aan de sök, maar veur iddere deur wao ik nao binne zoel wille, stónd 'n lange rie Vastelaovesvierders met net zó'nnen dors as ik.

't Woort mich dudelik. Met de kinderwage zoel ik noeits binne kómme. En as 't mich met vuuvél geplaaft toch zoel lökke, stond beej 't weer nao boëte gaon, de kinderbescherming op mich te wachte. Dao kós se gif op inneme

Det jaor woort mich dudelik det d'r wat waas veranderd in mien laeve.

De kriëgs iets moëjs, zoëmaar veur nik, maar de zuus ouk 'n deurke wat miér dich gaon.

Heb ik det noow allein ?

Bis se gek.

Toen ik det plaatje van de Wortelegaejer zoog, meus ik aan d'n Heiten Haspel dinke.

Zo'n pekske droog die joekskepel ein jaor geleje. Waorum ik det zoë good weit? Daen hoofpriës oët 82 leep ein jaor geleje in zo'n pekske. De res van die Kepel netuurlik ouk.

Veur degene die die kepel neet kinne.

Ze is ontstaon oët 'nne vrindegroep die allemaol aeve maf ware en die de Vastelaovend flink woele viere en nou kump 't.

Zeej zegge: "Weej staon neet zoëmaar te kleppe. Weej halde 'n traditie in iére en drage beej aan 't zuver halde van det fiës."

In 't begin waar eure meziëk nog neet zoë zuver as eur veurnemes. Maar in de loup van d'n tiëd hebbe ze 't zelfs tot 'n optraeje op Lowlands geschöp.

Det feit waas de oorsprong van euren oëtspraak: "Wao is 't ind?"

Nogal wat maedjes van die makkers zagte: "t Is neet erg det ze det zegge, maar ze meine 't ouk nog ech."

Maar effe truuks nao det plaatje van de gaejer. Dao zuus se 'n maffe flôts in 'n kuike.


De gansen Haspel besteit nog altiëd oët vraemde veugel en maffe flôtse maar d'n tiëd haolt eur lanksaam in. Met de Vastelaovesdaag staon zeej op de Joeksmobiel, dae vruger van Kappes Kook waar. D'r zien vaders van de Haspels die naeve d'n optoch as Alde Keuk naor eur kinder staon te glündere as die blage op dae zoë vertrouwde wage veürbeejkómme. Veur die alde keuk is 't deurke van 't kuike 'n hiël ind dich gegaon.

Nog efkes en dan kin de joeksmobiel waal 'nnen aanhenger gebroëke. Steeds miér Haspels hebbe ein, twië of dreej stekkerkes as hoofpriës gekrege. Dae groep breit zich oët as 'n olievlek.

Joeks en Jen kinne die luuj nog steeds make, maar aaf en toe geit 't deurke 'n klein bietje dichter.

Ouk zeej hebbe gen zin in 'n verhaölke met de kinderbescherming.

Huub Wismans



Lennaerts

Venlo - Roermond - Beesel

Jeugprins & Jeugprinses 2018



Jeugvastelaovend 2017



Daagbook Prinses Sena

Mien moder wis 10 December al det ik Prinses van De Wortelein zoel waere. Maar ik móch van nik's weite. Nao schoél zag mien Moder det ik naor Stijn zoel gaon, veur um 'n kerstaart te bestelle. Daen daag beej 't aete vroog ik toevallig of ik nog Prinses kós waere. Maar mien Moder zag, ik dink 't neet miér. Dus toen ginge we naor Stijn. De Pap van Stijn zag det d'r nog dreej minse kwame um 'n taart te bestelle. Maar ik en Stijn wiste neet wae. Toen ging de deurbel. D'r kwame dreej minse binne, Levi Letty en Nina. Ze stelden allemaal vraemde vraoge zoë as, wat kump d'r nao niejaor. We snapde d'r nik's van, toen veel 't kwartje. Ik kós 't neet geluive, ik waas gans verbaas. Ze zagte det we 't geheim meuste halde en det we beej José Duckers kleier meuste passe. As d'r iets neet good waas makde ze 't passend. Det meus allemaal in 't geheim, det waas bes raar.

Ongeviér twiē maond later ginge we foto's make. Die kwame op de stickers en in krante. D'r waas ouk 'n foto met 'n maske op, det waas grappig.

'n Paar daag daornao ginge we kennis make met 't ganse gezelschap. Idderein waas d'r al behalve weeij, we meuste ónder 'nne groëte hood, zoëdet nemes ós kós zeen. Mien beste vriendin Megan zoot in de Raod van Elf. Det vóond ik super leuk. Ouk de groëte Prins kwaam nog efkes. We meuste alles nog veer waeke geheim halde. Op elf Fibberwari 2017 meuste we 's morges iërs oefene. 's Middags meuste we gewoën naor de zaal kómme, vervolges naor baove um ós um te kleie.



Ik waas hiël zenuwachtig en we meuste achter de gerdiene wachte, terwiel d'r 'n goochedact bezig waas waar we inens aan meideje.

Toen woorte we aangekóndig, we móchte plaats neme op de steul, d'r kwame allemaal optrejes en dan meuste we opstaon. Daorna meuste we óngeviér anderhalf oor staon en toen kwame ze ós felicitere. De femilie juffen en meneren en nog miér minse. Det waas fantastisch um noëits miér te vergaete.

We meuste ouk naor vereiniginge en op schoèlebezeuk det waas ech super leuk. 't Waas waal 'n bietje raar um naor mien eige schoél te gaon, maar waal hiël leuk. Intelik waas d'n groëten optoch daor, we ginge met 't groëte gezelschap naor d'n optochwage. Wie we aankwame woort de meziëk aangezatte, det waas super leuk. We stónde op de wage te kiëke en in 't midde van d'n optoch ginge we zelf meidoon. We mochte confettië goëje, springe en ós motto zegge.

D'n optoch waas super gaaf. Vlak d'r nao kwaam de lemkes optoch, wie we op de wage stónde ginge we weer 'n iets andere roete, we hebbe hiël vuuël gesprónge en gefiës. Toen besefte ik nog neet det 't haos veurbeej waas. Wie we beej de kerk kwame meuste we oëtstappe en ós verzamele. We lepe naor de Truuj veur de aafsloeting, we móchte de Truuj in brand staeke en toen waas dae geweldigen tiëd zoë good as veurbeej. 't Waas 'nne Vastelaovend um noëits miér te vergaete.



Jeugvastelaovend 2017



Daagbook Prins Stijn

Dinsdaag 13 December 2016

Tillefoon geit! Stan neemp op 't is Letty, det had ós tillefoonr en de naam van Stijn (veur Prins) van meneer Jos gekrege. Stan dink de dit veur de BS is, nae det meins se neet veur de Jeug Wortelein? We zien effe van de kaart maar gaeve waal ós fiat veur dit gebeure. Tillefoonr waere oëtgewisseld, Prinses wuurt heej nao gebeld, weej hure det 't Sena geit waere. Wat leuk! Noow same aafspreeke waor en wannier we dit aan Stijn en Sena gaon vertelle. Wies dan mótté we zwiëge. Stijn had iets opgevange euver Wortelein, maar we makde um wiës det ze belde i.v.m 't werk van Stan, 'n bestelling veur cupcakes.

Woensdag 14 December 2016

We neme kontak op met de moder van Sena, we zien allebei nog 'n bietje verbijsterd en we spraeke beej ós aaf ónder 't mom van 'n bestelling gebak veur kersmis.

We hebbe Stijn ónder det mom dees waek allemaal wörtelkes van fondant laote make veur de cupcakes. Hae trap d'r in!

Donderdaag 22 December

We kriëge 't te hure, ik meus daen daag wörtelkes make, wie ik klaor waas ginge we aete en daornao kwaam Sena 'n taart bestelle, zoëgenaamp. Op 'n gegaeve moment kwame d'r andere minse die ik neet kós. En die vroege ós wat kump d'r nao Kersmis, weej zagte Niejaor, maar det waas 't neet. Toen begós Letty te praoete euver Vastelaovend en zag geej twië ziet de nieje jeug Prins en Prinses. Ik waas hiëlemaol in shock maar ik vónd 't fantastisch, ik heb neet geslaope ik kós nörjes anders aan dinke. Op schoël waas 't ouk lastig ik moch nik slegge.

Donderdaag 11 Fibberwari 2017 KinderFemelieZitting

Ik bin super zenuwachtig. Ik mótt d'r 's morges al zien um te oefene, 't waas 'n hiële leuke truuk, we zien d'r good mei doorgekómme. Alles ging good en de spanning waas eigelik gaar neet nuuëdig. En daor staon ik dan Stijn d'n iérste. 't Waas hiël eluk maar ouk vermeujend. Ik heb hiël vuuël snoep gekrege eimers vol. Ik kós neet wachte wies morgé, maar toen meus ik naor bed en heb d'r de ganse nach euver gedruimp.

Zondaag 12 Fibberwari 2017 balbezeuk,

's Morges waas ik al um ach oor wakker, ik had d'r hiël vuuël zin in we ginge naor 't Raodhoses, de bus stónd d'r al. Alles waas leuk en ik heb mich hiël good vermak. Ik veulde mich ech 'nne Prins!



Woensdag 15 Fibberwari 2017 Half Haenke

We ginge naor 't Half Haenke, 't waas leuk maar de meus idders kiér opstaon en klappe as emes kwaam en det waas irritant. Maar óndanks det heb ik 't hiël leuk gevónde.

Vredaag 17 Fibberwari 2017 balbezeuk

We ginge met 't klein gezelschap iérs naor de Poerker, 't waas d'r drök maar waal leuk, 't iérste wat ik zoog waas det 'nne meneer van ós schoël aan 't filme waas. We zagte ós motto en daornao ginge we op balbezeuk, um hiël iérlik te zien, ik vónd 't saai want d'r waas nemes van miene laeftiéd of dae ik kós. Dus.....maar ja alles ging good en det is 't beste.

Zaoterdaag 18 Fibberwar 2017 i balbezeuk

We ginge naor de jeug van de Kwas, en daornao naor de Päärtjes 't waas hiël leuk um daar te zien. Toen naor de sleuteleuverdrach, ik vónd 't hiël speciaal um d'n Börgemeister 'n medaille te gaeve en um de sleutel te kriëge. Nao aafloup ginge we naor mien hoës um te aete. Beej SVB en HVB waas 't leuk maar waal hiël anders dan beej de Kwas, gewoën 'n ander sfeertje maar waal leuk en daar geit 't um.

Zondaag 19 Fibberwari 2017 Receptiezondaag

In de mis waas ik hiël zenuwachtig um veur te laeze, maar 't waas moëj, daornao ginge we naor de receptie van de groëte Prins, det waas hiël leuk want Adjudant Dimitri waas de ganse tiéd grapjes aan 't make. 't Weggaon van 't podium is altiéd minder.

Vredaag 24 Fibberwari 2017 schoëlendaag

We ginge naor zeve schoële, op ós schoël vónd ik 't 't leukste al veulde 't waal 'n bietje raar det ze ós kwame felicitere. Maar deze daag waas kei leuk ik heb d'r ech van genaote.

Zondaag 26 Fibberwarie 2017 Groëten optoch

Ik waas in 't begin zoë zenuwachtig um aan d'n Groëten optoch mei te doon, maar ik vónd 't zoë zoë zoë leuk, ik vónd 't ech 't leukste. Confetti goëje, mien motto zegge en mien elders vol confetti goëje, hiël hiël hiël leuk.

Maondaag 27 Fibberwari 2017 Rouse in 't Raodhoses

Hiël leuk um same met 't groëte Trio te staon en op 't springkösse te springe.

Dinsdaag 28 Fibberwari 2017 Lempkesoptoch

We móchte weer op de wage. We hebbe vuuël gelache met idderein en we móchte nog 'nne kiér ós motto zegge, 't waas ech hiël leuk.

Truuj verbörre

Ik vónd die pôp ech grappig d'r oët zoen en leuk um aan te staeke, allein jaomer det 't dan aafgeloupe waas. Maar ik zoel 't zoë opnie hebbe gedaon.

zeuk 7
verschille!





D'r loupe twië zakke cement euver straat.
Zaet d'n eine taege d'n andere: "We mótte schule,
't begint te raegene." Zaet d'n andere: "Nae man,
daa waere we hard van."

vakantie!

Alle onderstaande wäord zitte horizontaal → ←
vertikaal ↓ ↑ of diagonaal ↘↗ verstoppt in de puzzel.
Streep ze maar weg en schriëf de letters die euver zien
in de witte bôlkes.

bal
bikini
boot
duinen
emmer
grens
hotel
huisje
kasteel
schelp
schepjes
sorbet
strand
tent
wandeling
ys
zon
zwemmen

W	Z	W	E	M	M	E	N	S	V
K	A	S	T	E	E	L	R	T	S
N	E	N	I	U	D	B	E	R	O
A	E	S	D	K	B	O	M	A	R
A	J	C	N	E	A	O	M	N	B
Y	S	H	T	I	L	T	E	D	E
T	I	E	B	I	K	I	N	I	T
N	U	L	E	T	O	H	N	E	Z
E	H	P	S	N	E	R	G	G	O
T	S	C	H	E	P	J	E	S	N





Rapport..
Pap: "Jantje,
laot mich dien rapport
ens zeen!"
Jantje: "Det geit neet,
ik heb 't aan
'n vriendje geliend.
Dae woel
zien elders ens
flink laote schrikke."

Waorum haet
'n dóm blóndje
'nne aanhangwage
van 20 meter lank?
te verwoere...hihi!
Um de tuinslang

Kids

Kinderköpkes



KinderFamilieZitting 2017



*Wie klein of jónk ze ouk zien
Op 't podium veule ze zich top
Ze speule de ster of de diva
En gaeve zich dan ouk volop*



Óg blage



*Wat hebbe ze vuuël in eure mars
En showen det met groëte zwiër
As weej det genög bliëve stimulere
Smak det beej eur vanzelf naor miér*



